

陸勅先詩序




余老皈空門迨然以前塵影事泐汰一切顧於
平生舊游昔友未能舍然風前月下時時餘塵
瞥起自知猶落情網中悔讖除不早也陸子勅
先別余垂二十年客歲賦工已文讌詩連章及
余余心為癢癢然頃手排其詩稿示余寒窗短
檠讀之分夜不忍釋手莊生有言越人去國期
年見似人者而喜逃虛空者聞人足音蹙然而
喜古之至人猶不無能情而況于余乎佛言眾
生為有情此世界為情世界儒者之所謂五性

六情也性不能不動而為情情不能不感而緣物故曰情動于中而形于言詩者情之發于聲者見于君臣朋友之間少陵之結夢于夜郎也元白之計程于梁州也由今思之能使人色飛骨驚當饗而歎聞歌而泣皆情為之也余老耄屏居為人世之長物而勅先迴翔記存若昆弟親戚之譽效于吾側者昔人夢中相尋再三却反何以異此教先蓋斯世之有情人也其為詩安得而不工讀教先之詩者或聽其揚徵騁角

以按其節奏或觀其絲絃縛繡以炫其文采或搜訪其食茹祭糲採珠拾翠以矜其淵博而不知其根深殖厚以性情為精神以學道為字尹蓋有志于緣情綺麗之詩而非以儷花鬪葉顛倒相上者也余于採詩之後撰吾炙集一編蓋唐人篋中之例非敢以示人也長干少年疑余復有雌黃戲題其後云杜陵矜重數篇詩吾炙新編不汝欺但恐旁人輕著眼針師門有賣針兒聞者一笑而解今吾教教先詩趣舉吾兩人交情不敢妄有論次老人多畏如此可笑也然

敕先年力俱富其詩名當益高世之啁嘲者將不能教師于敕先而又以販針罪我乎敕先其為我善備之哉庚子嘉平月十有九日江村老友蒙叟錢謙益序

陸敕先詩序



常熟滙江海湖山之秀而為吳郡一望縣在昔春秋時先賢游于聖人之門以文學顯而南方之學得其精華漢唐以下代有聞人迄有明隆萬之季古學凌夷儒術衰息兔園村夫子教其子弟都為程文熟爛之習而以博聞強識為諱文采風流益蕩然矣牧翁先生出而振起之于海內學者始知讀書嗜古一時人才群出其門下而吾友陸子敕先者先生之高第弟子也敕先好學深思沈酣載籍作為詩歌渾淪盤礴

含英咀華得先生之教居多間嘗讀先生集得
虞山詩約敘其告教先纍、數百言而其指要
歸于風騷之義欲學者深造自得以求跂乎古
人教先師承其訓鏃礪刮摩多歷年所然後出
其所作撰次成集余讀之而重有感也士之為
學必有師師者所以傳道授業解惑也漢之韓
毛馬鄭之徒其為詩也訓詁章句而已學者猶
然習其讀而信其傳而况于作者乎是故有屈
子則有宋玉有退之則有李翱有永冰則有聖
俞子美莫不雅有淵源遞相祖述所謂水濕火

燥各從其類者也後世幹材小生奮其私智菲
薄前人其于先生長者之教或身入其室而手
操其戈或陰用其言而陽背其說風俗之日媮
而人心之不正也可勝歎哉先生之論詩也原
本風騷別裁偽體蓋文章之火成詩人之總萃
也教先尊先生之書如法律之不違用先生之
道如規矩之不易其詩之日新月盛又何疑乎
余自媿失學艾而無聞逝將卜宅尚湖之濱問
津于二三好古之君子而得聞先生之緒論焉
教先許我其以斯序為息壤可矣蔚村同學小

弟陳瑚拜撰

觀菴詩稿漸子集目錄

第一卷

自敘

送曇印澄上人還西昌兼簡施偉長

和鶴客雨中戲奕 和友人秋月聯句

送王石谷之金陵赴周司農櫟園之招

題游仙詩卷 雜贈新安吳聖允 三首

奉酬漱石許民部見詒和韻 二首

和民部斧季招同夜泛昆湖

和同宿斧季目耕樓



和劍門

和拂水巖

和興福寺

和破龍澗

興福寺瓔珞柏

奉酬留別

代贈孫沂水

蠟梅用陳子京韻

己酉除夕得馮硯祥報余東歸却寄

梅花 四首

和鶴客游鷓鴣峯

鶴客午日生子

和雨中蜀葵

和鶴客新秋雨過

送胡原上歸新安為母七十壽

題金孝章墨梅 二首 水蘭詩

次韻送跨千之白門

次韻玉蘭秋花 次邵湘南閒居韻

辛亥九月望日隱湖觀獲適退山確菴梅

仙踵至集毛秦叔齊分韻得關字

次遵王辛亥歲暮雜言十首

酬顧伊人見示四十述懷之作

歸玄恭六十 步寒山寺

十三夜張有年招游虎丘

普達上人五十 和邵湘南移居

代題清溪魚泳圖

許青嶼待御見示六十述懷詩不勝斐然

率 和原韻

和鶴客牕前紅梅四絕句

紅梅限韻

立春日同湘雨師由桃源澗抵破山歷拂

水劍門至吾谷限韻

靈巖寺禮退和尚像

琴臺

西施洞

次韻古石上人山居

同芥季留止靈巖鏡清樓枝華嚴者數日

作呈卑和尚

詠積菴竹贈智遠源公

次宋旣庭虞山文讌韻

雜鶴客之作

和鶴客四十述懷二首

代題聽松堂

貽陳劍浦二首

酬金眉仙餉瓜

挽徐鐵菴

題滄漁圖

和鶴客秋夜讀書韻

次舊韻贈梅仙六十

次韻代贈梅仙

送吳令儀歸郡

代贈白也生日

酬張以純惠衣

題雪漁圖

第二卷

乙卯人日風雨同黼季山中早行送東澗

先生葵

代贈葉蒼巖三十韻

吳詠

慈封八景為孫第五賦

小山詩為陳滄漁雪漁

詠頭上飛花限飛字韻

同友山游宿慈封精舍限韻

羊棚洞次石上韻 維摩古樹分得望字

巢燕次莆田林協能韻

贈協能

贈劉君

乙卯重九前五日集協能吳門寓齋限韻

張以純留宿楓江客館限韻

游治平寺

登楞伽山

行春橋晚泊

香櫟

秋晚同友人城南草堂夜話限韻

代頌慕藩憲

為陸介菴題十美圖

次楊子鶴種梅韻 集陳雪漁齋限韻

丙辰元夕家兄庭翼七十雙壽長筵燕喜

次張大家韻

南臯詩贈陳南浦

丙辰仲春十四日過明登堂有懷東澗先

生

鶴客招游劍門歷鵲峯抵拂水山莊小飲

次來韻

友人花燭詞二首

丙辰春日陳在茲客授隱湖次和皮陸郊

居十首逸子同作率爾繼和

金君索贈

次和鶴客秋夜坐雨

雙檜圖為金母六十

次和顧商巖五十自述十首

舟中看雪用蔣文從韻

丁巳人日城南草雅集

柳枝詞十首

丁巳歲賤齒六十滄漁次舊韻見貽漫次

奉酬兼示同志

附次韻贈觀菴六十

陳濤

同前 顧 棻

同前 李聖芝

同前 林汝為

同前 陳帆

同前 陳玉濟

同前 馮武

同前 邵陵

題丁巳上巳城南雅集圖用晴字

次韻孫雪屋六十

菊士同登巖泛舟城南訪吳二饒留集

林協能將歸莆易分韻贈行 二首

次韻小鬟鳳吹詩首 二和陶雜詩十二首

和陳在茲夏日集文從齋

和李秋森留別韻 題蘭卷

贈張以純三十生日

丁巳九月二日金閭舟次別林協能

孫赤崖謫居遼左廿年始歸倩工寫祖孫

聚樂圖索題有贈

代送友人入都謁選

答蔣文從惠鹿膠 衛于天花燭詞二首

第三卷

戊午正月十七日集鶴客齋限韻

代次前韻

湘南劍村見過適庭梅初發小集其下有

作見示次韻酬之

閱桐鄉新詠戲次題贈女郎韻 二首

贈滎西園北游 陳滄漁五十二首

目耕樓雪後次韻

元夕文從見招予以雷雨未赴分得才字
為文從詠硯

次和超然庭前孤竹

次和後孤竹

琴僧湛泓屬子鶴寫二真一鼓琴一坐聽
蓋取自撫自聽之意也出卷索題漫成

二絕

花朝集鶴客齋看梅限韻

為梅仙題憚正叔菊花便面

和張超然憶柳詩四絕

次滄漁見懷

書悶四首

姚武功惠茗

次酬滄漁對竹見懷

鶴客借居荒齋有詩見貽次韻答之

次韻贈姚玉衡

閏秋十一夜夢詠東澗先生擊筑淡從天

北至吹簫聲向日南來之句覺而有感

書以識之

次韻贈安蒼壑

過滄漁讀書樓有懷林協能因出關若圖

共觀有作二首

同鶴客過滄漁樓頭有詩見貽次韻

拜子游墓 酬滄漁九日見寄

腹痛 腸鳴

理篋得協能書 和滄漁至日見貽

和滄漁小病自慰 題楊子鶴小幅

和文從至日簡寄韻 二首

和文從韻送張超然歸閩

和陶飲酒二十首 有序

新正三日留滄漁小飲

贈常象三分間

文從正月生日湘南往訪留宿更三度矣

因重次老杜客至韻索和詒以此篇

次湘南貰酒獨酌室人以絕糧告戲為問

答韻 題張超然榕亭

晚過雲驥值其登山予亦繼至次來韻

次答湘南湘源宿雲驥齋見懷

感示 輓陳母葉太孺人

五月四日生辰留客小飲

楊柳二首 過雲驥齋有贈

新安富人以自序生平貽訓厥後索人

題詠者代書二十餘首存十首
六月七日過滄漁樓頭喜南浦自閩中歸
得協能三月十二日書凡四日

次滄漁韻題雪漁行樂圖

第四卷

庭桂一株枯矣復榮經三年竟槁詩以平
之
代僧上劉糴憲

和劍村中秋前一夕南樓對月見懷

再送燈巖北行

辛酉冬盡日迎春東郊集韻溪宏齋分得

春字

壬戌元日齋中小集分得元字

二日集智先齋
三日集湘南齋

四日集雲驥齋
六日過以王齋感賦

人日集文從齋同用人字

次酬滄漁見懷
送以韜歸新安

中秋夜集雲驥齋
湘南移居初平小菜

九日同諸君過湘南齋登山望月飲醉留

宿用重陽二韻
首二贈友移居用陶韻
首二

和劍浦秋夜集武伯山居

題張超然翁岸甫桃源行樂圖次湘靈韻
和陶擬古九首
和陶飲酒詩二十首

壬戌長至與諸君齋中餘既登山抵西城

晚眺夜集雲驥齋分得山字餘代作

別樓六十韻

憫桃

感橙

移石

移書

新正三日文從將游粵東招予話別口占

贈行

人日張廷宣招飲懷尊甫鶴客

立春後一日集雲驥齋分得雲字

第三行

餘疑飲之誤

一粵行

玉裁移居見別悽然欲絕情見乎詞

送湘南赴吳陵戎幕

次以寧韻寄德隣

和王賓日菽溪茶會詩

和陳在茲癸亥落花詩八首

玉裁卜居不就割舍旁兩三廛居之次前

題張超然翁岸甫桃源行樂圖次湘靈韻
和陶擬古九首
和陶飲酒詩二十首

壬戌長至與諸君齋中餘既登山抵西城
晚眺夜集雲驤齋分得山字餘代作

別樓六十韻

憫桃

感橙

移石

移書

新正三日文從將游粵東招予話別口占

贈行

人日張廷宣招飲懷尊甫鶴客

立春後一日集雲驤齋分得雲字

同玉裁飲智先齋

元夕玉裁出酒餞文從粵行

在茲以寧同集德隣齋

玉裁移居見別悽然欲絕情見乎詞

送湘南赴吳陵戎幕

次以寧韻寄德隣

和王賓日菽溪茶會詩

和陳在茲癸亥落花詩八首

玉裁卜居不就割舍旁兩三廛居之次前

韻以示

癸卯初秋鶴客自新安西園自燕京南厓
自粵東先後抵家釀飲道闊即事有作

次滄漁早秋見懷

錢大理藕花居落成池中適開並頭蓮賦

事給圖紀事屬和因次原韻 二首

癸亥春盡書懷 二首 代壽高太公六十

癸亥歲暮遵王雅示也是園斷句三十首

率爾次和 張君六十

次和友人幽居韻 次張以純移居韻 二首

次扇頭韻寄贈吳陵張石樓

書扇示二饒 二首

墨冶上人留宿雨華林有詩見示次韻酬

之

癸亥歲暮為鶴客五十覽揆因其在新安

未及贈之以言傾以歸耗為次其自述

四十韻以贈

湘雨師約于杪冬遣舟相迎病中伏枕先

有此寄

觀菴詩稿漸子集目錄

觀菴詩稿漸子集卷第一

虞山陸貽典啟先父著

易漸之九三上九曰鴻漸于陸而有宋諸儒則曰上九鴻漸于逵謂雲路也按疏鴻漸于陸者上九與三皆處卦上故並稱陸上九最居上極是進處高潔故曰鴻漸于陸也然則訓逵者其信然耶陸羽筮姓得漸氏陸名羽鴻漸其字殆亦當時說易之一證也率胡程之論必如鳳之九苞五彩而後可以羽儀一世鴻之為禽抑末矣何苞彩之足尚而必雲路哉夫物有貴賤大

小之差聲容文物亦各隨其所用鳳之嬉弱水宿丹宮固翱翔乎閭風之山而止東園菓阿閣未嘗不覽德暉而下之也鴻之度鴈門出高柳固飲啄于大池之水而大夫執贄貴有行列昏禮納采取厥味鳴未嘗不延旭日于始旦也然則光羅拂翼何必非鴻何必非陸又何必無羽儀之可用而必雲路哉顧今天下張羅持翳摧首轂翮震絃曲木冥飛色舉于磐陵木之間有戒心焉而其象曰順相保也不可亂也願守此而勿失予錄乙酉以來詩命曰漸于其戒心猶

是也有客謂予少陵之言曰老去漸于詩律細侈矣哉子之善自譽也嗟乎客其猶蓬之心也夫少陵詩律千古頓門乃其自考猶若因乎為時之早晚者自鄙以下何問焉漸之進也往有功也視後而鞭竊以自勗且與天下之學詩者共勗之爾戊午仲春九日記

送曇印澄上人還西昌兼簡施偉長

蕭蕭瓶鉢依山寺袖裏時攜一卷書短策春風吟句穩孤舟夜雨問程虛年華五十新吾在江水三千舊友疎西上因君傳尺素夢魂先已到

匡廬

和鶴客雨中戲奕

絲、微覺潤莓苔。今雨還隨舊雨來。媿我曾非

許，丁卯每歌烏帽一徘徊。許渾詩云醉斜烏帽

棋局

和友人秋月聯句韻

皓月上長空。杯深澈灩紅。但能依竹樹，何必有

絲桐。夜色猶看淺，秋聲聽不窮。誰憐潘岳興，有

客頗相同。

送王石谷之金陵赴周司農櫟園之招

璧月瓊林未易才。至今三閣憶崔嵬。憑君剪幅

鴛溪絹，偷寫鍾山紫氣回。

畫手紛、獨出群貴。游歷、盡推君如何。十丈

生綃，絹不寫青雲，寫白雲。

題游仙詩卷

凡夫誰識有真詮。坎凜傷懷得幾篇。不是夢中

傳絲筆，江郎容易擬游仙。

雜贈新安吳聖允三首

不是吳州即越州。山青水白任夷猶。千年世幻

丁仙鶴。半夜歌長甯。鹿牛轉轂。黠奴輸力作。連

車公子索閒游從來天隱多朝市奇勝何妨展
一籌

雒陽城郭撫銅駝四十年來小劫過客夢頻牽
吳苑遍酒情偏傍越山多閒人不解常舒嘯知
已相逢一放歌市隱自來多傑士販繒屠狗意
如何
不慕離塵不染塵才長差喜得閒身計然五策
堪籌國少伯千金只散人衿佩清光仍歷落肝
腸熱血自嶙峋看君黑髮三千丈也是周餘古
逸民

奉詔漱石許民部見詔和韻

蓬裏常攜未見書江山詞賦勝閒居風生謝傅
新葵扇興逐陶公舊荀爽上坂謬曾憐病馬過
河惟有泣枯魚阿蒙自省猶前日搔首憑高一
塔予
握手都看白髮生相逢心許背時名魯戈落日
揮難起蜀棧懸厓刻不平詩入老來偏見骨交
經別久動關情卅年博得今宵醉明日登山且
趁晴

和民部芥季招同夜泛昆湖

更長且秉燭舉棹入平湖月白浮杯滿天空去
鴈孤笛聲連暝樹山影接寒蘆隔浦聞入語漁
郎近可呼

和同宿斧季目耕樓

自得元龍卧看成百尺樓湖平先見月天爽鎮
疑秋古道垂時輩清言壓衆流夜霜紅滿樹有
約更探幽

和劍門

未必吳王劍真分石作門泄雲偏有罅拔地似
無根夜得溪猿嘯陰宜山鬼蹲去天才數里何

必上崑崙

和拂水巖

梯雲興未已與客上危巖天色平飛鳥湖光閃
落帆吟僧歌雨笠游女曳春衫及此初冬候淒
風動古杉

和興福寺

穿若歲時古窅然天地深奔泉騰虎嘯老樹起
龍吟法、大圓相如、不動心問予何所會觸
眼見青岑

和破龍澗

空山龍戰罷一去水長流自昔石痕破于今雲
氣幽餘波能潤物大典秩封侯白龍有寺禱雨
侯宣惠此地猶遺勝松篁蔭佛樓

興福寺環珞柏

圓頂分明見裁宜帝釋家誰傳左結子復記右
開花半死呈空相重榮識法芽一名重龍松白
蓮萼久已斷芳華地誌寺門外二老松虬龍屈

奉訓留別

不惜一言贈題詩上客舟艱難卅載別慷慨洽
旬游吾法原卿法人愁亦我愁浮生嘆如寄處

處仲宣樓

代贈孫沂水時佐郡紹興

車騎欣當水石間公餘贏得恣躋攀色絲黃絹
黃城廟玉宇金書夏禹山官閣早梅衝雪放訟
庭馴雀啄冰開緣知民吏多私祝燕寢凝香發
醉顏

蠟梅用陳子京韻

黑帝無情萬卉賒強留黃艷與詩家佳人老去
標風韻才子寒來絢國華五運旺衰占土德一
年終始得梅花如何直至蘇黃輩香色纔從句

裏誇

己酉除夕得馮現祥報余東歸却寄

馮君每得譽陸子竟何長問我評詩句因誰索
報章早梅年事急芳草客心枉書訂春待剪西
窗燭深論覆一鷗

梅花

天公不惜萬家春點，徐開樹，新斷久音書
迴望眼消來冰雪罨吟身幾番輕吹偷傳信一
道寒流與寫真漫說思君開此夜只愁君到也
傷神

未擬青黃續，開打頭光欲試尊罍非時恐辱
龍刀剪獨發寧勞羯鼓催空訝廣平曾賦得不
逢水部莫吟來楚臣只解思香草辜負騷人一
世才

改閨重將玉曆幾曾疎影誤芳辰斷橋流水陳
江南路亂石荒雲嶺上春一度開時人漸老百
回看處境彌新當時若向天邊種不枉高枝贈
却說

雪中尋訪路三叉酒熟詩成興轉奢繞屈先須
除蔓草出牆終不作狂花兩間素始無千古萬

里春回共一家多謝東風肯相借小窗清影已
橫斜紛點、驚傷別意
一枝、照苦吟人

和鶴客游鶴鵠峯

山到將窮處高屋復陡開沁泉幽磴滑背石凍
雲顏菴僻僧難住峯竒客每來自慚無濟勝空
有夢徘徊

鶴客干日生子

節應薰絃舊賜醕滿堂齊唱鳳將雛綵花恰喜
粧頭玉命縷先交綴掌珠初試蘭湯添紫艾更
無蓬矢雜香蒲莫馮干日論生子千古田文是

丈夫

和雨中蜀葵

疎葉高花滿砌陰何年離蜀到如今淹、宿雨
沈、霧辜負平生向日心

和鶴客新秋雨過

四序平分歲月長一聲秋雨損年光山川寥落
梧楸晚不是離人亦斷腸

送胡原上歸新安為母七十壽

客裏思親賦遠行轉因隣笛感離情十年鄉夢
砧初急千里秋風月始明奉母衣絲牽寸、原上

貧無以奉母惟
製布衣一襲
倚閣眉睫促程
雲巖黃菊多
佳氣蕭拜登堂
魏友生

題金孝章墨梅

道是無香却少色
誰知點墨妙通禪
報若不待
相思發宛在清溪
淡月邊

詩後寒梅託興新
當年誰是賞心人
一翁老筆

能道更與己天公
蚤放春
梅破墨欣相贈珍重

第八行
早字下
疑有脫字

冰蘭詩

輕冰剪出谷中芳
觸手愁消拂面涼
澧北春遲

宜帶雪湘南秋老
訝凌霜清多堪憂
騷人珮寒

澈方疑王者香
如纈舊從池上見
好憑物革問

何祥
見酉陽雜俎物革篇

次韻送跨千之白門

登臨送遠意偏長
白日懸知驥足行
畫角霜風

經鐵瓮斷崖殘沼
過雲陽眼前盡是
悲秋客筵

上那堪惜別觴
此去南樓多讌賞
有人談笑共

胡沐

次韻玉蘭秋花

隆露朝來浥淡粧
愛看高樹發秋香
月明洛浦

貧無以奉母惟
製布衣一襲
倚閣眉睫促程
雲巖黃菊多
佳氣蕭拜登堂
魏友生

題金孝章墨梅

道是無香却少色
誰知點墨妙通禪
報若不待
相思發宛在清溪
淡月邊

詩後寒梅託興新
當年誰是賞心人
一翁老筆

能題破要乞天公
發放春

叔翁和孝章詩有寒梅破墨欣相贈珍重

南枝早春之句

冰蘭詩

輕冰剪出谷中芳
觸手愁消拂面涼
澧北春遲

宜帶雪湘南秋老
訝凌霜清多堪
憂騷人珮寒

澈方疑王者香
如纈舊從池上見
好憑物革問

何祥

見酉陽雜俎物革篇

次韻送跨千之白門

登臨送遠意偏長
白日懸知驥足行
畫角霜風
經鐵瓮斷崖殘
沼過雲陽眼前
盡是悲秋客
筵上那堪惜別
鷗此去南樓多
譙賞有人談
笑共胡林

次韻玉蘭秋花

陸露朝來浥淡粧
愛看高樹發秋香
月明洛浦

貧無以奉母惟
製布衣一襲
倚閣眉睫促程
雲巖萸菊多
佳氣蕭拜登堂
魏友生

題金孝章墨梅

道是無香却少色
誰知點墨妙通禪
報若不待
相思發宛在清溪
淡月邊

詩後寒梅託興新
當年誰是賞心人
一翁老筆

能道更喜乙天公
蚤放春
梅破墨欣相贈
珍重

第八行
早字下
程有脫字

冰蘭詩

輕冰剪出谷中芳
觸手愁消拂面涼
澧北春遲

宜帶雪湘南秋老
訝凌霜清多堪憂
騷人珮寒

澈方疑王者香
如纈舊從池上見
好憑物革問

何祥
見酉陽雜俎
物革篇

次韻送跨千之白門

登臨送遠意偏長
白日懸知驥足行
畫角霜風

經鐵瓮斷崖殘沼
過雲陽眼前盡是
悲秋客筵

上那堪惜別鴈
此去南樓多讌賞
有人談笑共

胡林

次韻玉蘭秋花

陸露朝來浥淡粧
愛看高樹發秋香
月明洛浦

延羅襪風冷崑臺下羽裳始信蘭為騷客佩不
辭玉是謝庭芳汀洲却在衡門外笑指蒹葭面
面蒼

次邵湘南閒居韻

湖外晴湖山外山仰平瓜地水雲間黃庭一卷
碁三百不是閒人莫扣關

辛亥九月望日隱湖觀穫適退山確菴梅

仙踵至集毛奏叔齊分韻得關字

霜鎌雲稼滿田間老屋東西舊往還好客難逢
齊命駕清尊且許共開顏幽風未黍千家在神

界桑麻一水間保障近聞請減賦封章早晚入
天關

和遵王辛亥歲暮雜言十首

有盡生涯不盡憂百年千歲少良謀何妨浙米
憑炊劍豈必駝薪笑反裘世路冷蘘懲措手人
情破甌誤回頭從吾企脚高樓上十里青山一
水悠

登臨猶憶舊亭臺故老凋殘動七哀園樹春光
江上樹村梅清勝嶺頭梅無邊苦草黃雲積幾
點蒼山夕照開白馬數車今昔意生芻一束報

誰來

貧居如客半飄零痛惜中郎絕典型宋氏雞窗
 餘破壁鄭家書草滿荒庭眼花入地理詩虎尾
 曜轟雷落酒星十念廓然無一念應攜絳帕上
 青冥挽馮定遠君平生事道東澗贈詩有絳帕
 日此亦足動念遂置之有頃泊然而逝
 閒門歷歷靜相參老白楊玄我未諳數日養雞
 應反走籌時捫燕莫高談饑寒帶索三般藥懶
 慢題書七不堪火宅團團都徑尺猶面北與
 眉南

年過五十一衰翁龍漢開光反掌中坐井恰當
 天冥北觀河爭柰水趨東三更點滴心頭雨四
 面刁騷腦後風歎息莊生真達者迷陽有路尚
 難通

寂、深慙楊子居種松已老未成書天心自轉
 盤旋磨世路多牽犖確車嚴瀨風雲違白水滬
 池魂魄哭商於榮名豈必真為寶猶有人歌儼
 儼魚

山光雲色滿樓中興寄迢、南岳桐深淺有痕
 空砌月去來無迹破窗風一鳴堪笑黔驢大五

我旋看鼯鼠窮爭似游心太玄裏揮絃極目送
歸鴻
百歲才看閃電光觸喉諱死一丘藏琴中無奈
雍門子壺裏難容費長房搏體自來憐織妾決
疣誰與辨游方不勞計較須時至滿眼春風綠
野堂
任運騰、委自然不妨曉坐更朝眠煖資松火
明殘夜酌仗書瓶餞去年但覺安心如大地詎
得老眼怨皇天有時根觸拈新句道是詩魔却
是禪

習懶山梅未一尋閒愁得酒亦難禁呵天仰歎
彷徨思斫地哀歌抑塞心虎渡東溟張戾氣鬼
棲北陸凝窮陰新年枕上殘年夢一半窓禽已
好音

訓顧伊人見示四十述懷之作

珠標玉格出尋常題品何人繼子將挾瑟朱門
爭倒屣傳經絳帳蚤升堂池塘好夢多春草江
國哀思滿夕陽攜去新詩誇酒社三千黑髮歲
初長

歸玄恭六十

儒風道行淨名僧變現多奇神鬼驚姓字平參
耆舊傳品流高壓汝南評酒龍跋浪滄溟立文
鬼依山紫氣橫三尺紋楸千尺素長圍獨掃借
談兵

步寒山寺

平生懷古意野寺一攜筇秋斷風前梵塵消半
夜鐘精靈憑獨樹雷雨動雙龍殿柱雙龍屈像
蟠聞有靈異
設何人會嬉怡只笑容寺有寒山
拾得像

十三夜張有年招游虎丘

入秋山勢倍嵯峨夜色微茫上薜蘿翠幙直教

園樹石畫船惟有載笙歌九枝燈影梯巖徧一
片蟾光覆水多最是武夷仙酌綠揮杯不惜醉
顏醜

普達上人五十

六時蓮作漏居已出塵寰定起泉觀水經殘恰
面山村漁疎火近隣寺晚鐘閒手植青松子應
將百尺攀

和邵湘南移居

豈俟經營斷手年入圖家具及時遷草香詞客
誅茅宅萁落南山種豆田雙鳩翻鈴鐸雨小

洲魚動菰蘆煙此心如此看城市絕倒醯雞瓮
裏天

代題清溪魚泳圖

翠柏蒼崖不世情一泓還傍鏡中行石潭翕忽
尋常見未必魚嫌水至清

許青嶼待御見示六十述懷詩不勝斐然

率和原韻

燕石山不輝魚目川無光豈乏珠與玉重陰錮
青陽莫矜良馬足莫企高鳥行椒蘭可充佩芙
蓉可為裳閒眠愜晏適風塵謝踉蹌為問獨醒

者百年幾壺觴達哉陶彭澤躬耕候農祥頗笑
世上人營、何太忙患夫多鬱悒患得滋憫惶
吾生老不才人鑿無他腸閱俗戒瓦合靈修羨
珪璋竹質盟水石松心狎冰霜仰誦先人芬婆
娑藝術場亦占大易義通理資中黃滔、波靡
習絲髮矯自強欺世誠未當狗物亦不違馬知
取漢魏蓄意追羲皇設問柱天口狂吟驚帝閭
夜夢天翁怒責我何乖方形骸任土木齒髮惶
黍稷衰白蟻蝨臣不向沙土藏斷、虎豹關禁
持勿披猖起、羽衛士呵叱勿徜徉一笑置不

谷遠返無何鄉恍惚仙山樹禽聲協歸昌覺來
披衣起曉窗開老莊白日靜人境今古何蒼茫
乃欣接軒車澆柱祝棟梁投我介壽篇韓張屹
相當紀群那敢較孔李天不忘承風日已久慰
我非尋常勤事陶寫緩歌樂康詞賦念若
父江湖戀廟廊終焉太山雲膚寸雨四方無堅
東山卧寧抱北門傷家歲稟忠孝國卹願農穰
歡言酌春酒搏桑日初長瑤瑜五男兒邦家儲
俊良振羽聯翩起前飛後將翔喬俯粹且仰天
錫俾壽臧愧予拘墟子望古空激揚冥鴻雖遠

識慎為弋者防雙扉閉庭草攤書及夜央
無所得函鼎染指嘗泚筆賡郢調喜獲襲餘芳

和鶴客窗前紅梅四絕句

詩人骨格酒人緣一種清姿萬種妍
流水小橋渾未稱只宜疎影落紅泉

半作高閑半作狂不因微艷減清香
廣平未省輕裁賦怕斷人間鐵石腸
情味惺忪讌詠間春姿人面共韶顏
隴頭若是憑人寄錯認相思點淚斑
水骨精神紺玉膚未判白，恰來，兒郎久夢

生花筆滿樹鮮妍比得無

紅梅限韻

橫窗疎影寫來真別樣風流更可人望裏才看
一樹艷吟邊已報十分春粉容竊紫含微笑玉
質勻紅帶薄嗔贏得風前眼如燒許誰止渴沁
香津

立春日同湘雨師由桃源澗抵破山拂水

劍門至吾谷限韻

火象截泉流聞聲風浮敬如甘露門宗旨得
究竟媿予虫徒亦為大法慶一領金枷黎自

昔妄致競際會乃獨詣前雅後來迎久震捷推
聲高揮白拂柄杖錫東南飛喜植櫻筍併道流
與佳山往若宿聘水鳥及樹林貪看不為病
輕風動白日離人影並徑晏捫薜蘿踏險擬
乞命解渴泉可掬扶力童堪倩問津渺神界闢
澗識龍性一晒苔蘚古石壁疥名姓移步日遠
換直使眼界淨山空鳥雀稀喧寂殊動靜指點
海外峯遠邇何蒼靚劃然啟玄宮稠穰悟空靖
側足板磴石瞿爾薄阮研雙湖夾鏡明田塍近
平正慰眼三麥熟秀岐仰為政陰洞灑簾泉煙

霧細可證已得攜禪伯不知誰酒聖阮生杖頭
錢若賞松相感繡袂儼成惟人面如花映自乏
三冬暖鐵石肝膽硬少資汗漫游用酬時節令
乍披南風薰物情失廉勁逸邁即丹丘選勝喜
復更雲半鐘磬音清越疎林送偃坐試觀心忽
已入無諍君句逼九僧我慙敵二孟眼中亦已
老難放才力橫日夕倚西巖相與風且詠明日
共歸舟將隨鷗鷺泳

靈巖寺禮退和尚像

道是三身還是一雲慈月滿喜瞻相眼光仍爍

四天下輪相應輝一道場鹿趁覺華行跡遍鶴
依忍草喚聲長平生礼足成虛願白首空山拜
影堂

琴臺

心眼一時曠劃然天界開就高偏冠石出險不
生苔水絕朱絃調松翻玉軫哀未知千古勝何
似蜀琴臺

西施洞

石室何年鑿偏留西子名拘囚亡國恨歌舞美
人情寵壓三千界讎添十萬兵空餘煙洞在春

草綠盈

次韻古石上人山居

逃禪儘許覓耶筒一盞拈來萬念空
定裏鏡潭涵白月吟邊鐵壁落清風
無聲野鳥千峯翠如笑山花四序紅
詩思饒君能曲折一丘已覺勝難窮

同斧李留止靈巖鏡清樓校華嚴者數日

作呈卑和尚

夏淺勝春作遠遊靈山一會未曾休
口無妨杜從量室指不須彈已入樓
梵奕染神閑點勘茶

槍破睡夜淹留三通粥鼓消長日
分衛多生媿道流

詠積菴竹贈智遠源公

山深不知處忽得竹千竿絕喜當門種
當便過客看龍髯新長得玉板乍參殘
香竇留招鳳青雲想集鸞齋鐘侵夏擊
佛火逼檀樂光念支節杖清思製薜冠
即歛君子操更結主人歡箇皆尊者應
沾法雨寬洪覺範有竹尊者詩

次宋旣庭虞山文燕韻

興情須徇子猷船強笑佯啼即未然
天地無私

鏡歲月山川入夢滿
雲煙衰遲焚筆那知處
蓬厯拋書不計年
獨上樓頭看斗象
始知今夜聚群賢

雜鶴客之作

先春淑氣已迎門
黑髮盈頭照綠尊
郝氏姬陽多戲論
王家阿堵總清言
枕中鴻寶高詞賦
座右新銘長子孫
但是深山由閉戶
捨舟何用覓桃源

和鶴客四十述懷

秋江邊我共題詩
排日清波照酒卮
最憶虎丘

明月夜玉簫金管
放舟遲偷人只似一
枰碁白首心期得
汝知自此十年平
劍氣匣中無復辨
雄雌

代題聽松堂

潛虬拔地起千尋
鼓鬣揚髻斷續吟
白月濤翻侵石鼎
輕颺寫影拂絃琴
六時籟動先通耳
一點塵飛不到心
知有幽人聽未足
還嫌山水少知音

貽陳劍浦

門前流水碧灣環
中有閒人畫掩關
杜甫茅堂

原背郭陶潛菊徑只看山心求若理能通妙名
錄詩仙不入頑笑指霜楓千萬樹為君一夜發
朱顏

雅飲玄言見性靈獨游時復御冷，風花灑筆
吟三影盥櫛開函拜五經歲稔東屯好檢稻客
賢西里會占星百年穩向樓頭卧日，遙山照
夕青

訓金眉仙餉瓜

年，秋暑憶瓜田五色如期一笑顛虎帳有誰
羅大案龍門只自笑無錢甘分平實蠲消渴涼

助梨漿起醉眠子母鈎連占小兆稱詩為爾誦
綿，

稅徐鐵菴

卓犖真堪託古今哀年哀樂漫相尋朋儔早判
他生事天地長留不死心義分堂，季子劍清
魂吐，魯連金兩河消息何時告觸目應知負
痛深

題滄漁圖

七里灘頭意都將畫裏傳邊頭誰使馬江上獨
橫船赤鯉三辰護靈鰲一鈎連綸竿猶漢節淡

畫海東偏

和鶴客秋夜讀書韻

空谷何知天眼老閒眠却許存吾道直比絲繩
清玉壺自勘何如廿四考王門滅跡琴可碎野
圃忘機瓮堪抱蘿月松風發長嘯水滙山崖極
幽討心超八荒出億載今古乾坤齊一掃栩栩
冷風總罷耗東魯流沙劇潦倒是非鹿訟蕉浪
覆勝自雞場芥空擣爽鳩終然棄百二漢武何
曾躡瑤島人間苦恨秋夜長嗟咿又聽雞聲蚤
請君捲書入混沌幽闕神廬鎮相保

次舊韻贈梅仙五十

結交不相知不如不相識爾我各深許寫心非
楮墨何以儀古人同方復同術頗笑今舊間只
隔月離畢昔人題門處情態固匪一永言吾與
汝吾長汝齒七感時心久摧懷古身常側太行
當面起迷陽舉足塞不識耕天字聊捉阿買筆
吃志炳燭未覺老當逸春草合窮巷秋塵生
陋室君子貴守道越幅不敢織廿載得吾子義
分明霜密各姓叶垣麓同心愴茹菓子歌吾乃
和我歎子亦息指影並啼笑倚樓共處出朱鳥

噶依南胡馬風嘶北越吟楚有奏身意忍雙印
緇素未許化青黃豈期飾詩開五字城夢入華
胥國心根發華采安從引蝶騰原貧原非病李
諾何曾食灑翰意昌：飛文才得：一滴占鳳
髓九鼎絀羊肋遠遊豈不好人皆有矜式時梅
仙校
陵教毘行：渺何許不計月與日恥揮虞淵戈高
騁渴驥勒懷哉胡不歸語若：易失黃鵠東南
飛羈雌慕儔匹顧影傷摧頽引領望何極

次韻代贈梅仙

卓犖涉文圃彷彿游五都屈宋艷南楚機雲秀

中吳懷龍吐靈鳳驚才暢八隅江山迴得助冠
蓋紛相于或占星文聚或表天下模廓落千載
後猶當出鍾鑪豈期生同世邂逅成良圖謾
百尺松汪：千頃湖灑然一夕話十年已不徒
去時江楓盡又過風落梧枝頭有雙鵲旭日相
鳴呼傳聞登真宴坐覺心神愉夏璣聽韻玉擲
來收丹硃顧問人間樂何如物外娛區：男兒
心四方射桑弧成功一失勢不異波漂菰始知
眼前醉真勝身後諛况持餘杭酒跳入汝南壺
李白騎鯨去重有列仙儒

送吳令儀歸郡

頻年相向酒杯深，忽漫囊書返故林。
貧裏贈詩兼縮手，老來別友倍關心。
寒禁窗畔孤梅信，風促樓頭斷鴈音。
百里蒼葭渺何許，好憑書尺款
違襟。

代贈白也生日

東風有信轉乾坤，拂鬚眉白雪，照壁裏遺經。
秦處士，枕中鴻寶，漢王孫，留詩是處多神護。
嗜酒多年，斷婦言，攜得真香滿衣袖。
仙班昨，日下朝元。

酬張以純惠衣

綿定奇溫，綻綺紈襲衣，珍重比琅玕。
雪中不作袁安卧，天下還憐范叔寒。
二丈窮裋成絕倒，百
夫紅毯付長嘆，憑將縞紵追僑札。
古道于今亦大難。

題雪漁圖

一夜千山盡白頭，冰壺清影落扁舟。
知君釣術師龍伯，不掣靈鱉不肯休。

觀菴詩稿漸子集卷第一

觀菴詩稿漸于集卷第二

虞山陸貽典救先父著

乙卯春日風雪同翻季山中早行送東澗

先生塋

腸斷梅花發故叢空山赴哭及矐隴百年身世
悲風裏千古文章白雪中留謁不辭來孺子起
墳多媿葬楊雄何人為琢寒山石有道碑裁第

二通

時未有誌文

代贈葉蒼巖三十韻

憶昔游燕日欣逢入洛年鹿吻先食野鳳舉及

冲天金馬絲綸降銀魚組綬懸文章尊國器譽
望冠時賢待從鑿和貴班行殿閣先鹽梅儲鼎
彝庠序借陶甄胄子臯比蕭先生腹笥便來分
孔融座更上李膺船敢與星辰聚聊尋文字緣
方言托油素物狀理疏箋若館偕詮典揚雄塊
草玄餘光能照耀薄質荷雕鐫邀月常同筆吟
花必並篇對林談夜雨聯轡帶朝煙春色京華
麗秋風旅思蠲弟兄祇異姓少長亦隨省忽望
白雲起言驂班馬旋濯纓心切贈編意拳
言笑猶如昨年光不似前萍逢垂六載鴛鴦及

三遷周典耕桑並義占茅茹連三秦塞錦績太
府裕金錢晉秩春官重分曹典禮專儒風綿
見國體服章宣才大宜敷歷心瑩罄潔涓簡書
膺權賦旌旆蔽江塙九派波濤息千檣貨賂駢
裁詩風過浦揮麈月臨川有意依劉表應知念
鄭虔不知寨翠幙若箇傍紅蓮

吳詠

亭畔生兒入破吳吳王醉醒亦知無殘歌騰舞
扁舟去漫笑陶朱不丈夫

慈封八景為孫第五賦

嶺梅春曉

月褪羅浮影，喜微凝薄紅。有心依靜樹，標蕩惜春風。

石池新雨

乍滴松間翠，旋添石上流。雙魚如或出，還念潔晨羞。

佛火疎簾

為多銜恤意，願普覺王慈。一點懸長命，依然擔母時。

天香夜月

叢生幽絕處，韻郁發孫株。的，月中子都成掌。

上珠

滄海朝暾

下界雞三唱，陽鳥出海飛。殷勤寸草意，惟欲報春暉。

西湖帆影

夾鏡雙湖迴，乾坤決滄浮。誰歟飽帆腹，知不忘舟游。

南巖秋樹

來游舒遠目，紅紫爛盈。不踏巖前樹，爭知霜

露清

三橋野店

人煙花柳外青旂徧郊居指點山園路猶思御
板輿

小山詩為陳蒼漁雪漁

綽有為山意嶮峻疊石重閉門游五嶽縮地望
三峯泉借茶爐沸煙分桂鼎濃相將擬小雅詞

賦削芙蓉

楚詞淮南小山
猶詩有小雅

詠頭上飛花限飛字韻

情多常為惜芳菲命薄愁先百卉排燕蹴乍衝

盤霧去蛟稍徧傍膩雲飛白銅隄上翻新草油
壁車前裊落暉只有臂朱飄未得夜來還恐玉
痕微

同友山游宿慈封精舍限韻

頓步層崖換還將細路尋水兼天作地木共石
為林興逐村沽遠人依佛火深山風與山月隨
處得吾心

羊欄洞次石上韻

雲根斗絕水連天去騎龍駕鶴仙滿地白羊
收不得阿隨叱起夕陽邊

維摩古樹分得望字

門敞六朝寺枝傳四樹香
息陰連建木浴日近
扶桑鐘動精靈語燈深
雷雨藏天高落青翠百
里鬱相望

巢燕資莆田林協能韻

葺壘將雛計未非
繁華第宅見應稀
辛勤差喜春泥潤
漂泊終看社日歸
越國山川溫舊夢
漢宮花柳護新衣
主人故故開簾待
好傍雕梁穩處飛

贈協能

不為逢時難應知把臂
賒因詩聊取友得茗即
為家旅夢吳雲關鄉書
闌嶠還君看高獲在一

道石城斜

申訂卜居
虞山之約

贈劉君

聞道清風兩腋隨
振纓濯足古人為
蘿邊酒醉淵明菊
案上圖披修靜芝
老去讀書兼讀律
興來抄史雜抄詩
兔園冊子巾箱本
我欲從君借一窺

乙卯重九前五日集協能吳門寫齋限韻
誰是詩中第一豪
喜無風雨近登高
此時景物

千吟筆何處烽煙解戰袍
放膽濁醪寬似海
明眸秋水碧于膏
奇懷共許良辰入
排日登臨不憚勞

張以純留宿楓江客館限韻

三年違此地重到夕陽前
把酒先酬月將詩欲問天
不知今昔異惟覺弟兄賢
明發輕舟去燈殘意惘然

游冶平寺

古寺隨年廢榛菅任莽蒼
秋風從謖白日亦荒尚接殘僧話
初悲一老亡時得鄭同來游
卷訃音

如避俗明日始重陽

登楞伽山

聞道舊橫山新銜煥碧丹
神光通盼響民力失艱難
巫餒蘭杯冷僧窺樺燭殘
石湖乘勝紫雲白水漫

行春橋晚泊

此地行春至秋來半未休
長虹天澹新鴈水悠悠
畫舫笛歌合蓋與粉黛稠
獨餘千古意落日到滄洲

香櫂

連枝霜下摘纍，著瓷甌色惜黃金印。圓規白
玉球騷人吟楚楠。漢使寬安榴不及園中果生
生十室幽。

秋晚同友人城南草堂夜話限韻

門外滔、水平湖接大江物情投老得塵夢入
秋降月白蘆千頃天空鴻一雙淹流惟道話重
與別殘缸

代頌慕藩憲

清時日接觀明光帝簡雄藩建節幢屏翰方州
周八百篚筐上錯夏三江憂民澤及鳩形徧懸

主心懸鳳闕雙遺愛至今閩海上畫憑牛斗望

吳邦

為陸介菴題十美圖

夢幻人間事聊看圖畫中銜簪出步障解珮
屏風一具觸髒白前身黧粉紅橫陳真嚼蠟已
了色兼空

次楊子鶴種梅韻

畫筆吟箋聊作伴青山好處即為家荒寒莫指
林逋笑此是羅浮獨樹花

集陳雪漁齋限韻

偶然成一笑對酒見平生窗竹寒無響燈花簇
有情塵從虛市斷月傍古城明檢點新梅去匆
匆報歲更

丙辰元夕家兄庭翼七十雙壽長筵燕喜

次張大家韻

階堂但徇仙人足樂府新翻羽衣曲八節瓊響
振雲和燭夜花傾百壺綠華陽樓靜本同宗上
樹雙飛霞景紅笑指女林鸞是鳳九花蚪老畫
成龍井中丹鶴爐中虎鶴來已度堯寒苦行廚
列饌總花氣李白如霜棗如火樹長三珠森作

行旣輪月駕爛生光鐵橋寒魄循疎影闔闔溫
風長綠楊夜摩天上春宵永歌聲著意吹花重
木公金母讌群真夢綠安妃動新詠蕭采含真
閒構成華池十丈碧蓮生已字環山兄弟在好
共他年朝玉清

南臯詩贈陳南浦

門臨流水俯江郊日對雲煙緩弱毫自喜青山
為伴侶不得白眼向兒曹徑中修竹能來仲蘿
下寒花索和陶輕醉成鄉應有記南臯却指是
東臯

丙辰仲春十四日過明發堂有懷東澗先生

墓門風雪哀臨穴不到山中隔歲強清澗聲長
閒笑語老梅花發見文章柴桑地僻還飛鳥綠
野堂空下夕陽白首來游寒食近一杯何處奠
枵漿

鶴客招游劍門歷鶴峯抵拂水山莊小餘

次來韻

物性苦久而尤喜春霖晴一掃煙霧界旋看花
滿城勝事隨境得游興逐人生清波鼓耀穩翠

岫肩輿平天支劍門險雲扶鶴峯傾流泉鏗古
意竒石柱今情不知眼前事何有身後名再過
平泉莊殘梅笑相迎且拚盡一醉與我共題評
佳招倘未已明日春光明

友人花燭詞

紅燭芳尊桃李年香奩金粉木蘭船雙星夜
明河上不向天孫借聘錢
錯莫田璆夢裏身玉箱紅紙贊群真饒他兩袖
卽當甚燭夜花飛記數巡

丙辰春日陳在茲客授隱湖次和皮陸郊

居十首邀予同作率爾繼和

閒庭唯鳥雀消得閉門居故舊三更笛風塵一
紙書已應思到鴻未免歎為魚時方閱盡人間
事都成鼠穴居

春來連月雨風捲幾重茅有土堪為室無書可
結巢烽煙仍葺葉文物獨絃匏朋舊多疎索虛
論杆臼交

憑雨看今昔愁潭懶下牀長貧由骨相不動是
心王天意初無準人生何太忙只餘詩思在等
末要爭張

老我無能者何心問世知醒嫌蓮社酒貧却草
堂資文士從儉父將軍孰可兒眼空千載外瀟
灑一題詩

自能耽寂寞莫漫歎雙扉倩月評新句留雲補
破衣插隨無酒去缺傍有魚蹄世界隣虛理微
塵尚未微

物態黎丘幻義占鬼一車英雄草上露富貴樹
頭花山僻青猿隊江清白鳥家習中儘無礙不
著事如麻

兀、成枯坐開編白日殘穿楊便教射出鮒爽

持竿宋玉不用於蘭珮差宜製籜冠傳聞詩酒
會年少盡登壇

楚客何多事陳詞強問天養文禁隱豹噤口安
寒蟬虛室生唯白中區覽獨玄多生餘習氣拜
石枕流泉

長者終誰輩軒車距席門桐抽棲鳳幹松蟄化
龍根禮樂殘書卷農桑老瓦盆蓬頭兼厯齒何
事媿兒孫

不材全社櫟所貴獨無能才大招時忌貨高得
盜憎丹從九轉煉心用八還徵世上圖功者醫

良已折肱

金君索贈

酒戶新封作醉侯睡圖棚蝶為周隻雞近局
陶元亮短轂羸驂馬少游課讀秋燈明屋裏
鑿耕春水落田頭避秦一去知何處未省人間千
歲憂

次和鶴客秋夜坐雨

黃華秋節夜初長涼雨深燈漫草堂舉世只堪
供白眼平生自信少他腸終知逝水從頭返頗
笑飛雲到底忙羸得百年常獨醒病餘猶說戒

銜觴

雙檜圖為金母六十

春風蕩，秋風清，春月浴，秋月明，皇天無私
分四序，萬寶告備，唯容平枕，函蟋蟀，金籠閉，覆
筍石，燕飛鳴，空白鶴，還餘戒露情，切，梧梧語
聲細，青，老檜何年栽，胡繩纏，文煤奠堂上
豈合雙龍舞，怪底枝葉藏雲雷，舉，銖衣拂平
石，畫鮮衣好顏色，珮環幽澗走紅泉，彷彿曾
留方朔履，白帝真看白藏富，巧奪春工倚霜露
司商不仗少紅黃，溪上籬邊莽回互，三秀草九

晚香含芳凝紫爭鮮妍，高士成圖楚客珮謝家
玉樹森相聯，冥靈四時二千歲，火椿星回三萬
二天上，秋分是我秋，昨夜雲間落香桂，君不見
鶴林仙子紅羅裳，杜鵑花發當重陽，又不見金
母花虬來七夕，朱雀窗中覩桃實，滿歲秋光滿
眼花餘杭老姥進流霞，夫婦看誰先上樹，試飛
終合騰星槎，擗麟脯，擲丹砂，會與方平話，蓬水
何人不指蔡經家

次和顧商巖五十自述十首

不問楊岐與墨絲，相逢歷歷見心期，中山靈境

多雞穀玄觀春風滿兔葵五噫伯鸞甘遠逝四
愁平子動長思莫言辜負男兒志種竹栽花也

關奇

清風朗月不須錢七椀重鵬理近禪徐福空游
東海上德雲却在別峯巔窗中野馬從為蝶窺
裏醯雞別有天試把驪珠比詩句逆鱗偏攬毒
龍眠

于野何妨事雜耕歌隨分得吾生籠窗深竹
看無影落地閒花聽有聲不待因人問叢菊寧
頌遺子貫香杭百篇丰酒渾閒事爭道前身夢

協庚

遠岫迴溪護野園門支橫木竹為垣江間好思
餘霞散天上寒芒列宿縣蕙畝烟深團秀茁棠
花春老入翩翩得知千載書連屋獨有先民與
晤言

雅志高雲與俗殊中侯誰羨橘千株胸中儘貯
三倉字肘後常懸五岳圖怪底人情多服艾嘗
來世味欲甘茶名泉一酌清塵夢調水還能給
老夫

雄生謠詠許誰分書卷多功酒有勛年始及衰

方貴少時皆尚武獨能文并刀自稱裁秋水蜀
紙還堪贈白雲眼底紛、畫博土居然大雅特
超群

冬天潦倒嘆為儒水北雲南似可呼岑箸溪山

憑漫叟綸竿風月屬狂奴達生不博神扶骨

張衡

賦 賦

釵夢還將鬼打顛

王延壽

五十尚餘風骨

痛不知心目幾瞿

齋厨聊廢戒酣暈梵咀爐香裊篆雲阿耨池中
功德水祇陀園裏貝多文春吹萬樹花仍貫月
落千家影不分為問毘耶常社口無生聚語竟

何云

五十分明浩劫人開光龍漢未多春批風抹月
無餘事酌酒看花要此身乞巧不期牙後慧穰
窮先遣腹中貧尹班永夕陶、處劇喜過從總
率真

頗笑飛雲日、忙息機那事促晨粧只宜醉後
醒重醉一任狂來老更狂喬木多年金粟影寒
花十月碧桃香文章江左推如玉自古才高用
斗量

舟中看雪用蔣文從韻

綏：一夕灑林密雙漿招攜載酒寬劫盡乾坤
存太素歲窮人物入高寒禁多風雅篇中見惜
欠方壺海外看老我無才誇白戰醉歌欲起卧
袁安

丁巳人日城南草堂雅集

天心惜良日假以三日晴春寒風草佳招讌
南城瑟縮雞窠裏主人挽袖行招覓舟子野
航犯冰稜窳宰橫塘路如聞戈甲聲老成復年
少登堂雜相迎各出新詩篇就我索題評醪茗
有妙理談笑無俗情高喚荀陳輩仰天問占星

八閩尚格鬪三川正阻兵勾吳僻江介風物獨
昇平東南財賦地追呼晝夜驚稍喜寬歲始尚
可數日寧即事樂所臯自餘非所營題詩緬達
夫離家得道衡謂莆田林協工協能頭白此佳會慨然念
平生

卯支同上首

第七行

曉風疑誤

絲曉風吹過曉風吹不知送別
條送皺眉

天南畔還照銀河隔女牛
由慣涵烟露惹離憂柳星却在

天南畔還照銀河隔女牛

綏：一夕灑林密雙漿招攜載酒寬劫畫乾坤
存太素歲窮人物入高寒禁多風雅篇中見惜
欠方壺海外看老我無才誇白戰醉歌欲起卧
袁安

丁巳人日城南草堂雅集

天心惜良日假以三日晴春寒風草佳招讌
南城瑟縮雞窠裏主人挽袖行招覓舟子野
航犯冰稜窳宰橫塘路如聞戈甲聲老成復年
少登堂雜相迎各出新詩篇就我索題評醪茗
有妙理談笑無俗情高喚荀陳輩仰天問占星

八閩尚格鬪三川正阻兵勾吳僻江介風物獨
昇平東南財賦地追呼晝夜驚稍喜寬歲始尚
可數日寧即事樂所棄自餘非所營題詩緬達
夫離家得道衡謂莆田林頭白此佳會慨然念
平生

柳枝詞十首

颺盡千絲與萬絲曉風吹過曉風吹不知送別
還留別留合長條送皺眉

生小情多不自由慣涵烟露惹離憂柳星却在
天南畔還照銀河隔女牛

一絲，更一枝，畫出春風二月時。道是多情
渾不定，半邊搖落半邊垂。
飄拂章臺漫作狂，纖腰媚眼斷人腸。一從折得
長條去，愁絕青，委路旁。
漢主離宮橫自私，任他眠起莫禁持。一回纔入
相思夢，又見輕狂欲舞時。

鐵甲金戈夾道開，亭，裏，著行排。莫言兒女

第九行

君王鞍轡來

壯哉秣陵江，上舊看來可為北陸。
為關處，白木枯松，總不材。

可為秣陵

漢南攜得又隋都，十一青，十九枯。為報新亭
垂淚客，白門今日不藏烏。
池塘夾岸聽新鶯，老盡枯株不再生。怪底東陽
殷太守，婆婆庭樹損歡情。

草木城春不解愁，獨於標格逞風流。從君借得
春風便，要乞春風與到頭。

丁巳歲賤齒六十滄漁次舊韻見貽漫次

奉酬兼示同志

元始追混沌，末流紛智識。萬類一掬塵，千古數
行墨。將尋為樂方，豈有騰化術。愚哉牛山淚，至

一絲，更一枝，畫出春風二月時。道是多情
渾不定，半邊搖落半邊垂。
飄拂章臺漫作狂，纖腰媚眼斷人腸。一從折得
長條去，愁絕青，委路旁。
漢主離宮橫自私，任他眠起莫禁持。一回纔入
相思夢，又見輕狂欲舞時。
鐵甲金戈夾道開，亭，裏，著行排。莫言兒女
多情態，曾引君王鞍轡來。
控帶神京亦壯哉，秣陵江上舊看來。可為北陸
為關處，白木枯松總不材。

漢南攜得又隋都，十一青，十九枯。為報新亭
垂淚客，白門今日不藏烏。
池塘夾岸聽新鶯，老盡枯株不再生。怪底東陽
殷太守，婆婆庭樹損歡情。
草木城春不解愁，獨於標格逞風流。從君借得
春風便，要乞春風與到頭。

丁巳歲賤齒六十滄漁次舊韻見貽漫次
奉酬兼示同志

元始追混沌，末流紛智識。萬類一掬塵，千古數
行墨。將尋為樂方，豈有騰化術。愚哉牛山淚，至

今酒未畢茫，皇天眼錯謬。諒非一臨穴子車，
三歌風鄭穆。七委運良悠，平時常側，島谷
竟不到東海。終難塞疇拔倚天劍，誰抽畫日筆。
摧鋒折其毫，無勞亦無逸。明月猶高窗，清風入
虛室。獨樹張如蓋，幽草織似緘。拂曉紅縹臙，開
卷丹黃密。久破戴逵琴，任棄陽陶篋。惱隣騰鴨
言，支牀伏龜息。真意林鳥還，無心岫雲出。雙湖
泛東西，三山陟南北。迢素心人相思，輒相即。
談諧恣歡賞，科跣畧容飾。未到先民山，何如若
子國風枝。推化蠹雲歆，快除滕溫資。卅年裹飽
取三旬，食著書老不就。裁詩賣難得，濁醪壓紅
友新菘傲細肋。青賦擬何顯，翰家慙卜式。但期
欣即事，未暇求明日。柱節馬卿題，碑笑羊祐勒。
蠻觸空勝負，雞蟲何得失。矯首望霄漢，雙鶴鳴
相匹。所思在莊生，逍遙凌八極。

次韻贈觀菴六十

陳濤

第一行
酒字疑有誤

相識素不狎，尊疊獨喜
故術結心山水

際婚嫁大半畢，身言不耳。然諾只如一詩
律研社二書法學，虞七物態何紛紜。吾道殊

今酒未畢茫，皇天眼錯謬。諒非一臨穴子車，
三歌風鄭穆。七委運良悠，平時常側，馬谷
竟不到東海。終難塞疇拔倚天劍。誰抽畫日筆，
摧鋒折其毫。無勞亦無逸。明月循高窗。清風入
虛室。獨樹張如蓋。幽草織似織。拂殿紅縹臙。開
卷丹黃密。久破戴逵琴。任棄陽陶菓。惱隣騰鴨
言。支牀伏龜息。真意林鳥還。無心岫雲出。雙湖
泛東西。三山陟南北。迢素心人相思。輒相即
談諧。恣歡賞。科跣畧容飾。未到先民山。何如君
子國風枝。推化蠹雲歎。快除滕溫資。卅年裘飽
取三旬食。著書老不就。裁詩賣難得。濁醪壓紅
友。新菘傲細肋。青賦擬何顯。翰家慙卜式。但期
欣即享。未暇求明日。柱節馬卿題。碑笑羊祐勒。
蠻觸空勝負。雞蟲何得失。矯首望霄漢。雙鶴鳴
相匹。所思在莊生。逍遙凌八極。

次韻贈觀菴六十

陳濤

憶惜所有酒相逢。始相識。素不狎。尊疊獨喜
弄文墨。匆三十年往。守故術。結心山水
際。婚嫁大半畢。身計但取足。然諾只如一。詩
律研杜二。書法學虞七。物態何紛紜。吾道殊

第四行

如字疑誤

逼側胸無一點塵曾不計通塞明月常入懷
白雨時隨筆宿火愛曉坐老至不期逸問字
客盈座攤書滿秋室隣樹兩三株落影清如
織老屋八九間庭草秋如密至音奏無絃那
暇聽簞葉阮生一何愚途窮空歎息靜觀玩
物化高卧門不出世事了不驚優游老硯北

脫畧襟裾輩質直

數文節平生真字真言布通國刻定遠士龍岷自石

林師共無事學耦耕歲功愁螟螣亦勿趨朝

市一飯未違食散髮自閑、觸目仍得、儒

冠誤笑身藜藿勝羊肋澹然處士風典型後
生式喬松紀歲華大棗薦生日內景請黃庭
蒲團拜彌勒笑彼世上人急得復患失眼界
登泰山吳門曳練匹去、托詠謀新情浩無
極

同前

顧 衰

良玉韞名山奇光久自識先生為世重品行

第三行

柱疑有誤

十八

術濂洛振宗

惻心如一嘆

我方拜三讓君曹步七雖然覺形穢願近珠

逼側胸無一點塵曾不計通塞明月常入懷
白雨時隨筆宿火愛曉坐老至不期逸問字
客盈座攤書滿秋室隣樹兩三株落影清如
織老屋八九間庭草秋如密至音奏無絃那
暇聽算策阮生一何愚途窮空歎息靜觀玩
物化高卧門不出世事了不驚優游老硯北
放懷黃虞上千古如何即脫畧襟裾輩質直
斯文飾平生篤交道遺詩布通國刻定遠士
龍岷自石
林師共
四友詩無事學耦耕歲功愁螟螣亦勿趨朝
市一飯未遑食散髮自閑、觸目仍得、儒

冠誤笑身藜藿勝羊肋澹然處士風典型後
生式喬松紀歲華大棗薦生日內景請黃庭
蒲團拜彌勒笑彼世上人患得復患失眼界
登泰山吳門曳練匹去、托詠謀新情浩無
極

同前

顧 棗

良玉韞名山奇光久自識先生為世重品行
兼文墨得聞正始音乃見真學術濂洛振宗
風豈徒事佔畢十年思御李地隔心如一唾
我方拜三讓君曹步七雖然覺形穢願近珠

玉側但使字意氣何暇計通塞席分立雪門
夢借生花筆赤文手摩崖白華句補逸問字
子雲亭攜香令公室落英以供餐文機可佐
織品泉不厭澹看竹偏宜密春風到開庭秋
風捲長策申旦雲早披丙夜哦未息閉戶惜
三餘映書就六出已知我道南無心游溟北
憑今覓徵士含若其隨即禮樂還古處衣冠
異時飾西城近桃源避秦此樂國學殖鮮逢
年硯田豈遭滕堊垣充石隱辟塵鄙肉食白
雲去悠々青山行得々雄心付鹿蕉世事等

雞肋壽考德奇茂訪道過廬式徒倚杖靈壽
逍遙娛化日世方重文獻安車駕雕勒迎君
養上庠北面認得失帝稱格平老香山無甚
匹乃進丹霞漿祝君比南極

同前

李聖芝

浮沈在鄉井曠懷多遠識讀書破萬卷曾不
數行墨縱心四海外恍如歷街術感時善觀
變了若占箕畢幽耽泉石趣壯老常如一陶
公扇頭人奚啻作者七長謠伐檀篇懸貍河
之側游戲造化中與天為博塞詩酒供放浪

青山入奇筆側世雖迫乞心自閒逸有源
避秦氛無文美新室組文妙練要倦不廢斯
織寂，笑古人憑弔鄧高密每懷劉琨嘯登
城聽吹簞賈生有至言時事付太息窗下木
榻穿門前螭頭出步兵老江東阮生居巷北
雅志慕三山望之者難即極喬可學至但貴
無矯飾所以達者懷恬游華胥國有田但種
玉自不慮螟螣切雲以為冠沆瀣以為食山
從屋面起道向閒中得全身托馬蹄玩世輕
鷄肋屏麓鄙王戎輸材笑卜式論述究千載

屹，以終日金石有微言討尋細編勒牆東
挫廉 嗒焉忘得失與物盡無忤終不混儔
匹息機以永年遊心于玄極

同前

林汝爲

憶昔游虞山與師始相識作詩諧律呂論文
究繩墨豈無安時策豈無致君術優游十畝
中平生志願畢為也因羈旅世路歧不一顧
視艱阻間跋屨十六七乞食長江東所向多
逼側蓬飄舟不繫山徑茅復塞未易圖奮鬢
一往欲焚筆擾，竟安裨勞，不知逸爰來

琴川居重入夫子室晨夕更指數仁義相組
織過從並風雨彌年轉親密感時發浩歌淒
絕如悲葉懷古論成敗掩卷三歎息翳々茂
丹庭生意秋草出吾道盛于南湖源實自北
登山復觀海可望不可即一片冰雪陽青黃
豈堪飾閩南喪家子十口依澤國引領望豐
年淫潦踰百滕食勝識所歸如飢斯飽食絳
帳客談經馬肆殊自得萬事付臯肝一笑釋
雞肋永懷先民矩庶存後生式咒觥祝大年
黃髮娛永日尹儒夢秋駕良馬就銜勒循々

善誘心長善仍教失景行仰高山巍峩邈難
匹何以獻壽考長歌指南極

同前

陳 帆

平居慕古處往々多舊識久要事切磨未許
軼繩墨既薄求榮心亦鄙連富術儒風疊規
矩文圖道罕罕奮志當絕群致身祈第一雲
夢吞八九辰曜羅三七青袍竟踏踏葛巾尚
歌側四海怒濤飛三精苦霧塞艱苦莫請纓
憤激誰投筆遂甘然肥遁固聞怨道逸永懷
柴桑里養志蓬蒿室拜經手捫字勤如寒女

織漁獵恣冥搜
修辭受錦密
大雅鏗鴻鐘
清商咽葭藻
老成半凋落
故人渺消息
遺言竹素垂
撫卷精英出
茅屋託梓里
張南與趙北
賞音期晤歌
析義欣相即
衣冠實嚴重
言詞戒文飾
煙水信福城
槐柯豈雄國
酒盞豈蛇覘
田何螟滕違
時謝輪奐力
學損眠食固
謂生不辰竊
願歲有得
玄談雞三足
獨行龜九肋
剛詩正始存
守黑天下式
相別動經年
相逢話移日
蕩胸無棘荆
閒身決羈勒
機並野鷗心
慮空塞馬失
疎星或時聚
陸海其誰

匹矯，赤姿保此布衣極

同前

陳玉齊

五十和君詩出篋如新識
屈指五六年留此

數行墨

觀菴丁未五十辛亥歲
予年五十始和君詩

見君金石心

不逐逢時術
鬚鬢各皤然
壯懷殊未畢
人心本如面
爾我終如一
晨夕不相忘
故人無六七
世路任崎嶇
與足無陂側
憶昔定交時
信口計通塞
破此萬卷書
展我如神筆
偽體應手變
還補風騷逸
輪門立賦年
謂言終入室
豈知人事非
異態紛如織
良玉化為蜮
一朝

車纈密朱絃暗無聲不敢抗茹菓哲人亦已

姜謂東澗先生滔何日息惟若守歲寒一任蚍

蜉出我馬雖已頽我車幸未北共保得聲

彼美應相即奇服既陸離還用寶璐飾四顧

我何求無以歌行國吾道譬耕耘將實憂茲

騰寧使狼戾年雞鷲登場食自笑老無成東

手思相得不辨精與麤食肝還棄肋但畏後

生譏翻失先民式幸生山水鄉與子共白日

行樂苟及時不羨金銀勒春芳顧已非秋林

猶未失稱詩還自歌童冠俱儔匹高山與流

波知音諒無極

同前

馮武

人生苦纏縛不離根塵識薰習最誤人可未

亦可墨靈光本卓然何事多岐術莫起取舍

心即為能事卑門庭各自殊其源總歸一但

能脫所依徵心安用七子當梅花時獨步虞

山側坐看碌碌儔名利競通塞如君闔雙扉

終歲湛文筆既不與世競其中自超逸若不

見所見徒入聖人室但看相續心來往紛如

織道岸匪易登內視必綿密煖火煉姪女急

管調感策功淺緩急間妙用在無息冷灰忽
豆爆天外頭可出祇期究自性勿問宗南北
予年過半百衰白行可即了知淺陋胸不習
文辭飾君今方杖鄉彈指即杖國貧老日相
煎如禾生百騰太倉雖有粟非予所可食巍
巍軒冕途不老亦不得兒孫熾而昌非我所
檢肋麗漫動春輝徒為後賢式只有觀河智
朗，如昔日循業自發見何時證彌勒化人
本是幻衣珠原未失獨立古乾坤騰，誰與
匹以此祝君壽此壽庶無極

同前

邵陵

先生天下士何人不願識陸海富文詞費盡
銅雀墨大雅直仔肩豈僅蛾子術窮經以皓
首志願未云畢博物貫群氏萬事通于一品
邁潯陽三名追建安七子本忘年友問字恒
待側寸心當奇文胸次開阨塞句聯彌明鼎
穎擅中郎筆談笑雜詩豪登臨偕酒逸曳履
歌先生聲出環堵室不治負郭田筆舌共耕
織廿載脫儒冠畏此文網密掉臂入長林耳
不聞邊策側身天地間宛如蘧廬息君子乃

固窮肯為飢驅出依，吾道南滔，地氣北
美人隔秋水迢，安可即所嗟大樸滿人事
工緣飾晨朝一引鏡迷頭走狂國豈無心辣
蠅亦有害苗騰腰纏跨鶴背西宿東家食舉
世皆營，慕好以說得誰不逞猿臂誰不戀
雞肋賴有老成在鄉邦足於式久要託歲寒
玄言永今日相將珍重意金石以為勒相期
飽喫飯相見不相失新詩播清芬已吟愧非
匹投篇用續貂矯首瞻斗極

題丁巳上巳城南雅集團用晴字

是日清
明西園

圖作

勝日相兼至一晴當兩晴乘蘭方被襖改水又
清明鄭俗招魂去龐家塚上行天公并日意節
物賞春情佳句逢題柳清醕適聽鶯若非荆郭
手好景畫難成

次韻孫雪屋六十

南極星懸東海濱百年雙轂白頭新魯靈獨老
吟邊客昆火長留物外人未信天公真是醉可
知吾道不憂貧紫芝白橘無今古采，生香四
序春

筠士同登巖泛舟城南訪吳二饒留集分
得宗字

山郭白雲封浮杯破幾重詩中真似虎法裏信
為龍蔭落當窗樹風傳隔岸鐘無緣作清衆接
席話南宗

林協能將歸首陽分韻贈行

世難他方幾滯留洗兵閩海已安流存亡一繫
思鄉夢兄弟都為行李愁即路可禁傷往事到
家差喜及中秋解將離思隨君去才過吳州又
越州

息戰關河尚阻修先行且與話綢繆可憐萬戶
干戈擾才博三年詩酒游絳帳馬雄豈我好錦
標盧肇許誰優穿楊有喜占蘭夢莫忘題書慰
白頭

次韻小鬟鳳吹詩

文篆紫窗洞戶幽鳳樓高岐壓秦樓嬌廢為問
機中錦緣底鴛鴦宿並頭

皓齒織眉白雪膚莫愁工織及時須
時年馮君

莫放情顛倒與截圓流護蚌珠

和陶雜詩十二首

第不行
岐疑誤

天地本逆旅飄飄多客塵，各有族伊誰識
前身此身固已妄，何況寃與親莫認賊為子休
隨魔作隣慨彼演類多，引鏡臨清晨愛嗔一時
起迷頭狂煞人

藹，瞻白雲迢，望長嶺悠，委時運欣，極
新景開卷讀我書，素月穿窗冷破硯，有餘潤蘸
筆，申依永，四顧四酬和佳惡，問單影忽爾夜向
晨坐覺烏兔騁笑爾何茫，輸我四壁靜

白日不可繫大海誰能量，座上蘄子訓壺中費
長房饒君作狡獪神理已遠矣，妙道泐金石天

倪空陰陽生焉可以死，持此白雪腸
百晚得一堅百死得一老，籤鏗傲三殤以久終
難保爽鳩雖云樂匪陽露已燥何用策足高何
期立身蚤隋珠不妨彈荆玉安足抱寥廓空宇
中滄洲問我道

九達夷且曠涉足尚猶豫而况天路杳短羽違
高翥飛搶蓬艾間即已當遠去賦物各有命無
為獨深慮仰求古今事有降無一如日月歲相
蝕江河豈能住所藉時運遷吾心有常處淳風
情彌縫火化了無懼

貴子有餘戚譽兒有餘喜久薄身後名違計示
子事譬彼蘭玉佳生庭可人意世無彥昇才西
華恐相值年長白髮摧駒隙一何駛念此良辛
勤中夜不得置
逍遙復逍遙促迫復促迫素心兩三人過從越
阡陌談諧間微吟興至浮大白不知詩膽粗未
覺酒腸窄今日西家主明日東家客日暮不得
歸醉鄉有安宅
既不干祿仕亦不親農桑至道屬黃裨古人皆
糝糠雙肘習鷄服白首空蝗糧秋月美清暉春

日沐載易六字雖蕭索坦心無所傷不以巧廢
拙肯以圓毀方兒童拍手笑積然中一觴
平生好樓居面彼城南端束髮秉孤尚有志固
不遷終朝常在眼吟望青山巔宛見首陽意采
薇猶素餐高松迫離立白雲可攀緣寂寞圯上
事空詠紫芝篇

抗意千山上居今古為稽松生深澗底草被蒼
山崖置本齊其端何足傷中懷中懷不盈掬舒
之宇合彌神尻指北陸高目寄南離回首俗中
士塵鞅苦相羈循數啟期樂吾生何所虧

賜谷冬亦熱寒門夏亦涼
循時玩物化鴻去燕
巢梁時尋岡
窅野欲入無何鄉
不知日與月何
有露兼霜天壽八萬劫
方此未為長
在天為小人在地為君子
問余何所擇望雲閒
徒倚俯思醪茗間
玄，有妙理

和陳在茲夏日集文從齋

風琴盡日愛橫牀
有美聯翩訪草堂
散帙鈎簾
清試茗雜花
交中靜焚香
應嫌我獨閒
情少自
覺若偏野興長
覓句漫憑高處望
亂峯無數火
雲黃

和李秋森留別韻

輕袞遠別賦勞
老大分攜思抑騷
草木離披
秋氣早闕河宇落
碧天高侯門上客
乃彈缺世
路良庖且善刀
欲共兒童向何處
思君散逸大
江濤

題蘭卷

蘭以喻美人行以喻君子
胸中有成竹畫蘭亦
如是

贈張以純三十生日

自予五十餘識君
逾弱冠今歲甲子
周君才及

其半君產白嶽下予家尚湖畔千里天各方同
心協爰豸芝蘭喜相投詩書從所玩人生落地
時胡越不可算天心許相遭近遠互回換豈無
同袍友微尚岐河漢豈無同室人攸懷共冰炭
胡迺得二難如珪合璋判惟昔降仙鶴丹頂素
羽翰鳴聲既清越無影亦零亂傳聞寬一見遂
造城南館截雲留斷雪果然得奇觀君家夢鶴
夢千古仍未散布鶴依佛光馴鷗狎海岸雀就
掌中粒鴈避蘇合彈石此良有以匪由蕭薦裸
敢謂一庭竹漫遣王猷看因披金玉光握手一

笑粲豈比鴉為媒未假鶯聲喚傾蓋成久要山
石可使爛過從無信宿談諧接昏旦好花拖芳
菲白月仰璀璨新詩脫手冷醇醪持耳灌戶裏
寒卧高釣下饑腸斷居然見推解再歌復再歎
長君實告予客至君且竄子來知何緣言笑式
宴衎媿予老無能舊游久冰渙偶然托末契遂
爾金石貫信知三生因此理非誕謾昨日復何
日星河夜昭煥天孫羅機杼凌秋渡微瀾人間
癡兒女望拜不辭憚舉世競求巧爾我事直幹
予髮已種君才獨精悍恭竊長以倍蝗梁每

顏汗逢君初度辰佳氣滿閣開宵來朱雀窗有
客窺竊矚星驅月為御輪節重扶按群真倘下
來為君夙澡盥

丁巳九月二日金閨舟次別林協能
信宿相隨一舸輕金閨衰柳亂鳴鶯多老淚
重經別有幾同心更送行百尺帆高秋水濶一
尊酒盡暮雲平分襟目斷方回首始信吾儕不
世情

孫赤崖謫居遠左廿年始歸倩工寫祖孫
聚臬圖索題有贈

故國披圖還對面朔南標格絕塵埃廿年涕淚
悲君去萬里冰霜照我來布素瞻天真異數文
章出險始竒才馮令莫話兒曹事且待長風決
浪回

代送友人入都謁選
上籍金閨舊有名長安策馬及春明人中玉尺
隨時動天外冰壺到底清卜式輸家推佐國張
衡作賦擅研京朝陽翮羽高梧上長短聲吹火
小笙

答蔣文從惠鹿角膠

鳳麟續斷竒方見解角煎膠乍款門頗憶夏時
臨五月劇憐秦失走中原關函色奪珊瑚架和
酒春溶琥珀尊念我衰年筋力減曉窗寒雨佐
微溫

衛子天花燭詞二首

東風微度可憐宵堂上花枝眼欲燒清洛羊車
休浪出遠山螺管莫輕描雙星倒影交團扇圓
月和聲入洞簫漫笑符卿曾引客千年又展夜
迢遙

世上千年是此宵篆烟花燭徹明燒交柯碧樹

禁春寫並蒂芳蘭著意描藍水玄霜停下杆緜
山白月遙吹簫桃花萬樹垂，發未必天台去
路遙

觀菴詩稿漸子集卷第二

觀菴詩稿漸子集卷第三

虞山陸昭典叔先父著

戊午正月十七日集鶴客齋限韻

客歲今宵賦落燈旋從華館聚良朋
愁逢飲處竒兵出老覺吟邊逸思騰
玉雪春回庾嶺竒龍
蛇醉掃剡溪藤東風未信欺霜鬢
六曲闌干取次凭

代次前韻

良宵白月接紅燈羞把愁思對好朋
浮世本來多跋屨壯心何處劇飛騰
小梅舒白欺寒玉瘦

竹搖青落古藤獨我當杯頻悵望春風客夢兩
無凭

湘南劍村見過適庭梅初發小集其下有
作見示次韻酬之

破屋頽垣一樹梅自矜標格護荒苔才容殘卷

三間在久新寫午二中來
酒漫勞呼取至

魏爾殷勤寄不枉

第七行
物酒疑方後

夜開

閱桐鄉新詠戲次題贈女郎韻

仙裙舉、倩誰扶歌是鸞雛舞鳳雛便把西湖

比濃淡越中應有世間無

不得薄命寫頌冤故、當窗柳滿園欲寄相思

無處所蜀牋閒豐幾千番

贈榮西園北游

輕袞游子欲何之聞道秋風耐驥時望裏艱難
思老母夢中宛轉泥嬌兒帝城宮闕開圖畫易
水衣冠接酒卮分付襄陽出林下不才多病莫
吟詩

陳滄漁五十二首

丹楓黃葉滿林泉借得春華五十年自喜長貧

竹搖青落古藤獨我當杯頻張望春風客夢兩
無凭

湘南劍村見過適庭梅初發小集其下有
作見示次韻酬之

破屋頽垣一樹梅自於標格護荒苔才容殘卷
三間在久斷高軒二仲來隣酒漫勞呼取至
命酌玉春風偏逐笑言回好酒媿爾殷勤寄不枉
燈花昨夜開

閱桐鄉新詠戲次題贈女郎韻

仙裙舉、倩誰扶歌是鸞雛舞鳳雛便把西湖

比濃淡越中應有世間無
不得薄命寫煩冤故、當窗柳滿園欲寄相思
無處所蜀牋閒豐幾千番

贈榮西園北游

輕裘游子欲何之聞道秋風附驥時望裏艱難
思老母夢中宛轉泥嬌兒帝城宮闕開圖畫易
水衣冠接酒卮分付襄陽出林下不才多病莫
吟詩

陳滄漁五十二首

丹楓黃葉滿林泉借得春華五十年自喜長貧

隨日懶不妨多病入秋眠
逢入浪擬方三拜伸
紙何慙孫百篇
追昔未須論白李
飲茶生羽久
成仙

汝南市裏乾坤別
不省人間事似麻
遠道素心

供掌茗

莆田林協能寄武夷茶

空山老衲寄瓶花
奇情端

許開詩國清夢何曾落
酒家豪氣即看能掃盡
獨憑湖海領煙霞

目耕樓雪後次韻

大好湖村裏
將從問耦耕
年占三番白
心事一般明
逝擬封文塚
何煩鬪墨兵
劍芒寒不動
閒

倚碧天橫

元夕文從見招
予以雷雨未赴
分得才字

春情春事渺難裁
良夜陰霾撥不開
豈是燈檠千點焰
故教雷閃一聲雷
何人刻燭還徵燭
獨自停杯更舉杯
老去似蒙天一笑
偏將寂寞護非才

為文從詠硯

紫雲一片截瓊璫
誰採端溪萬丈源
莫道墨池才徑寸
黏天黑浪海鯤翻

次和超然庭前孤竹

我思渭川竹路遠不可越一竿許洞門綠玉掌
中脫獨立竒始見石破潛蚪拔修影不滿窗已
覺千畝開持當竹林游肯出嵇阮末

次和後孤竹

淇園秀出香風逐孤根直下湘水綠枝清月曳
蛟龍尾實老秋填鳳皇腹前身葛陂放仙仗餘
事黃岡架官屋為報荒村老子家離竒古樹庭

第十行

聽自撫自聽疑信取自撫

真一鼓琴一坐
出卷索頭漫成

根中圓證從聞入強欲離聲未合真一切世間
音不二回應千億解分身
非絃非指誰能辨用眼聽來曲調明會使山河
并大地一時掀舞作琴聲

花朝集鶴客齋看梅限韻

本是天都客東吳處家雷甍三徑竹晴識一
年花酒釀添情味梅蕊助歲華最宜今夜月疎
影詠橫斜

為梅仙題憚正叔菊花便面

一瓣花開一細評北風憐殺抱香情不將爾雅

我思渭川竹路遠不可越一竿許洞門綠玉掌
中脫獨立竒始見石破潛蚪拔修影不滿窗已
覺千畝開持當竹林游肯出嵇阮末
次和後孤竹

淇園秀出香風逐孤根直下湘水綠枝清月曳
蛟龍尾實老秋填鳳皇腹前身葛陂放仙仗餘
事黃岡架官屋為報荒村老子家離竒古樹庭
前獨

琴僧湛泓屬楊子鶴寫二真一鼓琴一坐
聽蒼聽自撫自聽之意也出卷索頭漫成

根中圓證從聞入強欲離聲未合真一切世間
音不二回應千億解分身
非絃非指誰能辨用眼聽來曲調明會使山河
并大地一時掀舞作琴聲

花朝集鶴客齋看梅限韻

本是天都客東吳處家雷甍三徑竹晴識一
年花酒釀添情味梅蕊助歲華最宜今夜月疎
影詠橫斜

為梅仙題憚正叔菊花便面

一瓣花開一細評北風憐殺抱香情不將爾雅

從頭讀誰解騷人賦落英

和張超然憶柳詩四絕

剪出千枝與萬枝詩中畫裏影交垂謝家莫漫

矜吟絮自愛風流颺翠絲

謝家柳

裴相名園芳相池小紅巡酒偈成詩莫歎白首

無才思曾見永豐坊裏時

半野堂柳

避迹頻年近市橋新詞句，入吹簫可憐官道

垂，綠只為離人長翠條

軍屯村柳

倚月拖風悄莫禁空山千古讀書心青，若也

知人意好放長條護寸陰

讀書臺柳

次滄漁見懷

身四行

桃上疑有

恒能堪多愁平子

小遼城迴鶴表吹

心裏桃上桃花倚

半醉

書悶回首

不求聞達苟求全誰信陶家運自天數口不存

供鶴料十年虛擲賣書錢黍禾再熟郵標笑

田畔

相聯綴處造為鉛槧長隨燈火憐漫道老來須

郵舍見札記

曉事空憑過眼綠雲煙

從頭讀誰解騷人賦落英

和張超然憶柳詩四絕

剪出千枝與萬枝詩中畫裏影交垂謝家莫漫

吟吟絮自愛風流颺翠絲

謝家柳

裴相名園芳相池小紅巡酒偈成詩莫欺白首

無才思曾見永豐坊裏時

半野堂柳

避迹頻年近市橋新詞句，入吹簫可憐官道

垂，綠只為離人長翠條

軍屯村柳

倚月拖風悄莫禁空山千古讀書心青，若也

知人意好放長條護寸陰

讀書臺柳

次滄漁見懷

老屋分明乞士菴大難堪處儘能堪多愁平子

寧惟四獨樂榮期豈在三添家遠城迴鶴表吹

燈墨穴逼龍潭偶然一笑春風裏桃上桃花倚

半酣

書悶四首

不求聞達苟求全誰信陶家運自天數口不存

供鶴料十年虛擲賣書錢黍禾再熟郵標笑

田畔

相聯綴處造為鉛槧長隨燈火憐漫道老來須

郵舍見札記

曉事空憑過眼綠雲煙

不堪歡笑不堪愁但對兒曹欲白頭荷擔三夫
憑子構燕胎數世足孫謀披裘正凜道金戒顧
甌難紓裂瓦憂莫道初何與人事芝蘭長願長
庭陬

夢中血指是何祥祝復占來是鴈行家兄夢指

楚一雨辭天難上漢千金坐地戒垂堂清風尚

拂羅浮石薄俗何妨練布裳不見世機隨處發

二桃已足殺三良

窮將天地作周社老屋三間四壁疎官庫見錢

車紙裏空倉探粟欠瓶儲一家衣食憐無紀陶詩

衣食須當紀百歲琴書恨有餘小物即看光澤在壑

舟何事亦關渠

姚武功惠茗

夏景殊冲澹幽人送茗來紫芽涵細雨碧葉長
驚雷香沁仙蟬潤法祛夢蝶回未須生羽翼懷
抱為君開

次酬滄漁對竹見懷

青々大夫松不及君子竹大或割作舟小堪架
為屋不可一日無何況經信宿檀藥復蟬娟伴
耳寤言獨清泉映烹淪奇書對披讀卑哉閉戶

侯千畝志乃足殷勤玉川子籀龍戒充腹蕭
歲寒姿春葩齊屈伏冷韶獲音聞來久忘肉
將來參玉版斜曲問多福翳半庭陰稍滿
窗綠知不長蕩蕩非種蔓蘭谷滄漁精
于藝蘭
鶴客借居荒齋有詩見貽次韻答之
天生有財地有利拙者不足巧者餘猛獸鷲鳥
與同發金穰水設盈復虛有時貴出輕糞土有
時賤取珍瑤璵時數不來虎變鼠持壽把算空
爬梳况復讀書并識字筆花箋錦常鋪舒詩能
窮人古則有詩工自喜遑嗟歎十年折閱了不

顧債家折算千金居一笑問我借老屋土鏗不
暖荒魚蔬廬下梁鴻真羨汝臯橋伯通且媿余
枳棘終難稽彩鳳好遲燕雀喧新廬

次韻贈姚玉衡

胡牀談笑舊從事未厭青雲器業疎懷刺欲消

約天舌猶在賓年

過竹靜披真誥禮

第八行
真石疑有誤

先生擊筑淚從天

北至吹簫聲向日南多之句覺而有感書

侯千畝志乃足殷勤玉川子
籀龍戒充腹蕭
歲寒姿春葩齊屈伏冷
韶獲音聞來久忘肉
將來參玉版斜曲問多福
翳半庭陰稍滿
窗綠知不長蕩蕩非種蔓
蘭谷

滄漁精
于藝蘭

鶴客借居荒齋有詩見貽
次韻答之

天生有財地有利拙者不足巧者餘
猛獸驚鳥
與同發金穰水毀盈復虛有時貴出輕糞土有
時賤取珍瑤璵時數不來虎變鼠持壽把算空
爬梳况復讀書并識字筆花箋錦常鋪舒詩能
窮人古則有詩工自喜遑嗟歎十年折閱了不

顧債家折算千金居一笑問我借老屋土鏗不
暖荒魚蔬廬下梁鴻真美汝臯橋伯通且媿余
枳棘終難稽彩鳳好遲燕雀喧新廬

次韻贈姚玉衡

胡牀談笑舊從事未厭青雲器業疎懷刺欲消
三歲字剪燈好讀十書魯連約天舌猶在賓
年
石停車心有餘已事旋同風過竹靜披真詰禮
真石

閏秋十一夜夢詠東澗先生擊筑淚從天
北至吹簫聲向日南多之句覺而有感書

以識之

秋情結夢劇無聊句詠驚人當大招雙淚久枯
新學筑一聲猶咽舊吹簫聞門菜甲霜容入奇
服荷裳露氣凋泣鬼號猿凄以厲撐腸塊壘取
難消

次韻贈安蒼壑

雲夢胸涵萬頃煙平探月窟斷天田錦囊詞賦
平生紫芒屨山川未了緣安精堪與術秋老霜臯聽
落木神清露井吸寒泉好攜雙槳乘流去與我
滄浪共叩舷

過滄漁讀書樓有懷林協能因出關茗園
共觀有作

因君始識閩中客過此還思遠別人試展畫圖
如對面未期言笑轉傷神三年尚滴吳航淚吳門
舟次揮淚而一紙空回海嶠春有約蘭成須射
策何時來往問湖津

長魂一麟門下士予及門止每懷雙鳳客中人

今兄添丁定見扶林戲吞篆懸知下筆神此日

如逢杯茗夜昨宵先報燭花春收圖却是重經
別處作談梅一漱津

同鶴客過滄漁樓頭有詩見貽次韻

絃琴風入壁間鳴
城下波迴翠靄生
新鴈著行應北至
殘陽落影任西傾
詩窮饑鼠無留跡
秋老寒蛩強作聲
不限三層新賓客
每勞釋卷笑相迎

拜子遊墓

海氣雲容互盪舟
朱書碑版倚長松
湖山盡拱牛眠地
日月常懸馬鬣封
東魯絃歌垂雅化
中吳文學啟儒宗
仲雍齊女皆黃土
獨隸蒸嘗望祀恭

酬滄漁九日見寄

瑟瑟風鳴病樹條
新寒陡覺颯顛毛
飢來愁見蕪田滿
老去慵看細路高
十字不妨常坼餅
五經空笑莫顛糕
白衣無酒難謀醉
靜掩殘書架秃毫

腹痛

擁被盈旬病未除
填胃噫氣更難舒
一絨聊訴違卿面
義之帖吾夜來腹
三小步誰驅過墓車
日薄欠呵簾漠漠
夢回摩抑漏徐徐
時宜儘付形骸外
底事撐腸塊壘如

腸鳴

車輪離轆腹中行漏水丁東點滴傾可但饑來
常作響也緣物不得平鳴風雲雷動聲初息江
海潮生氣漸盈和以壁琴林劍畔古龍吟細夜
泉清

理篋得協能書

閩海吳天綿遠道三年一紙報相思若將年事
頻、囑老學聽雞莫作癡書中戒予曉坐
和滄漁至日見貽

百歲百承參佐堂窮陰依舊轉新陽即看磨墨

人尋老贏得播書日漸長貧戶供徭魂刺促兼
年責賦血淋浪苦思身世無窮事欲覓莊生何
有鄉

和滄漁小病自慰

貧也誰言非是病看君用意洵幽哉世途本不
勞端策心事何嘗費畫灰可意花情從領畧滿
身雲影共徘徊逐貧驅病渾無賴總仗吟毫一
掃開

題楊子鶴小幅

偶然盤礴憶春風一角新圖影數重流水聲中

雲出岫高天影裏鶴巢松武陵竹美逃秦稅商
洛芝清薄漢封若向古今論筆迹契丹那許傲
渠儂

和文從至日簡寄韻

岸容山意待時舒獨有雙眉鑠自如雲物豈勞
野叟望天祇應謹史官書是日天槍始筋骸老
去輸松勁興寄消來與竹疎堪笑畢生多習氣
殘編猶不廢三餘

陽律初舒意未舒喜添宮線復何如寬裁詩版
取佳句少減燈油讀異書歎歲雞豚年祭儉聞

門糶救世緣疎紫系解有輕身處一飽能營便
有餘

和文從韻送張超然歸閩

青眸當皓首同志不同年著述遲松老風流學
柳眠詩篇真卓爾行李固蕭然若未忘音問長
天作綵牋

和陶飲酒二十首

余不好飲酒尚好讀淵明飲酒詩猶坡公所
謂不能飲無出余下好酒無出余上也歲暮
乘間和如其數以陶公之嗜飲初不拘飲

事則余之不嗜飲又何必爲。有酒哉顧酒
人之言恒多謬誤醒者之言其謬誤未必不
多于酒人也如以次公之醒而狂代爲解嘲
則吾豈敢

十千買斗酒客至斟酌之衆醉我獨醒宛彼三
閭時自媿非飲少亦能信來茲舖糟啜其醅踏
蹶多所疑君觴我一編竟此百年持
抱石沈迴淵採薇托深山其人不可見古老有
遺言跡彼立節女非爲千萬年天地有時盡苦
志奚必傳

聖功極物理世務準人情可道非可道可名非
可名游心太玄裏無死仍無生俯仰誠自得不
猜亦不驚睡圖入混沌蕩默何虧心
寄禽養羽毛三年望當飛玄豹隱霧露夜寒何
足悲山林延野燒飛走終無依戢羽斂蹠去高
深詎所歸知機免异患時重無盛衰去復去

第八行
不偏 疑有誤

心一以靜不偏亦
山朝霞出林去暮

觀菴詩集三
三

事則余之不嗜飲又何必焉。有酒哉顧酒
人之言恒多謬誤醒者之言其謬誤未必不
多于酒人也如以次公之醒而狂代為解嘲
則吾豈敢

十千買斗酒客至斟酌之衆醉我獨醒宛彼三
閭時自媿非飲少亦能信來茲舖糟噉其醅踏
躑多所疑君觴我一編竟此百年持

抱石沈迴淵採薇托深山其人不可見古老有
遺言跡彼立節女非為千萬年天地有時盡苦
志奚必傳

聖功極物理世務準人情可道非可道可名非
可名游心太玄裏無死仍無生俯仰誠自得不
猜亦不驚睡圖入混沌蕩默何虧心

奇禽養羽毛三年望當飛玄豹隱霧露夜寒何
足悲山林延野燒飛走終無依戢羽斂蹠去高
深誤所歸知機免异患時運無盛衰去、復去
去吾志不可違

龍雷動淵默冰雪淨煩喧我心一以靜不偏亦
不偏劃然雙眼豁開門卓青山朝霞出林去暮
雲沿流還不見春蹊上桃李自無言

指馬非指馬是非，所是談衍雕龍黃往，首
誓毀田巴遇飛兔柱口故爾，立言期不朽戒
哉妄與綺

清曉攤書坐燈花燦英，曾不限冬夏太古空
山情古來若無夜焉得懷抱願初聞遠鷄唱漸
迫東戶明漫，未即旦一生是兩生

荆山韞良玉藹，霜雪姿瀛海沈鐵網燦，珊
瑚枝坤維不愛寶希世乃見奇指數天下事焉
取庸夫為落，首奇者肯受銜勒羈
魚喜綠紋靜鳥欣霽色開胡乃挾猜忌就棘叢

中懷平生彙相樂中道與我乖策足覲高步依
枝及卑棲徇爾逐浮景從我蟠深泥水炭勢已
異兩心何能諧被褐本無玉豈有邦可迷飛柯
俗士駕請君回復回

不擬送作郡何假道嫩隅薜草披榛棘明，出
荒塗惡灘不可涉折坂終難驅安巢鷗已足滿
腹鷓有餘問君校書閣何如草玄居
生寄死乃歸彭殤何足道悠，世間人恒嗟不
及老人生過下壽已非望秋稿我擬營兆域塋
中醉朋好頗笑金盞出雅埋盜其實何必丁令

威千年歸華表

一從桃源去世代知何時即非神仙伍已與塵
囂辭猶嫌漁人至疑臆識今茲向路不可得千
載令人疑俗中烹宰事傳聞倘我欺惜哉劉子
驥規往天奪之
家山茂林木毋煩關靈境塵踪面青峯如暝
斯醒亡書久還得欣若保守領時造素心人新
詩極苦韻歸來夜深坐更長短檠炳
樵蘇費不給談賓亦少至無論斗與石小戶
一醉惟有數編書懶祭歡鱗次信知擁萬卷不

段百成費古言有喜者不食不知味

第一行

喜者

疑有俟

少寧暑積雪交
日溪水照瘡癥肌
不可惜

不能習一藝亦未通一經閉門消白日不見歲
功成賢人困龍蛇早潦復游更青苔本非錢翳
翳滿空庭置身材不材散鴈宜鳴浮游萬物
祖誰解漆園情

我有萬斛舟掛席候長風回首望六鷁退飛天
路中窮雲際逆浪阻彼川塗通思抽訟風筆用

威千年歸華表

一從桃源去世代知何時即非神仙伍已與塵
囂辭猶嫌漁人至疑臆識今茲向路不可得千
載令人疑俗中烹宰事傳聞倘我欺惜哉劉子
驥規往天奪之

家山茂林木毋殞關靈境塵踪面青峯如暝
斯醒亡書久還得欣若保守領時造素心人新
詩撫宮頴歸來夜深坐更長短檠炳
樵蘇爨不給談賓亦少至無論斗與石小戶墜
一醉惟有數編書懶祭歡鱗次信知擁萬卷不

假百城貴古言有喜者不食不知味
償賦擬割產供糶欲廢宅馳驅少寧暑積雪交
人跡中夜吏叩門無名費千百溪水照瘡癥肌
肉失故白額榻告蒼，物命殊可惜
不能習一藝亦未通一經閉門消白日不見歲
功成賢人困龍蛇早潦復游更青苔本非錢翳
翳滿空庭置身材不材，散鴈宜鳴浮游萬物
祖誰解漆園情

我有萬斛舟掛席候長風回首望六鷁退飛天
路中窮雲際逆浪阻彼川塗通思抽訟風筆用

匹射潮弓

塞翁不繫馬無得亦無失岐路不亡羊何疑復
何惑誰是英雄手臬盧車博塞輕醉即成鄉同
騾聊入國我慕子先嗜終身守默
北山無移文不隱亦不仕競
復古訓君子重
行已多壘在四却寧維大夫恥中年遭身故分
已沒鄉里掩留遂無成白首踰五紀著短龜乃
長毋勞決行止介然天地間獨立何所持
世中率百偽不能敵一真仰觀黃虞代猶遜懷
葛淳滔勢莫逆悠日趨新麟鳳出衰周鹿
馬亂強秦咸陽三月天時見烟塵以彼宮闕
麗不如隴畝勤既耕暇還讀日與詩書親不問
鸞飛泉莫識鷓啼津登山銳齒履冒雨折角巾
早今抗古昔知我是何人

新正三日留滄漁小飲

春風春日泥春泥綠勝今朝已耐簪少荅歲時
唯薄醉長留天地且狂吟見來山氣忘言在問
到梅花托興深莫向老籤論杖晚堯年曾祀雍
羹斟

贈常象三分間

一軍分轄舊吳疆
嚴鼓清鏡春晝長
海島風雲供坐嘯
江天花柳佐銜觴
冠裳代古堆華芳
詩禮門閒卧綠槍
演罷陣圖耽傳癖
南陽諸葛杜當陽

文從正月生日湘南往訪留宿更三度矣
因重次老杜客至韻索和詒以此篇

過從如有前期在
初度重逢舊雨來
徑草早時和雪掃
燈花今夜闌詩開
人兼梅影清于水
春逐蘭風釀似醇
會與三閭降同月
不妨皆醉共銜杯

次湘南貴酒獨酌室人以絕糧告戲為問

答韻

自昔秦徐饒麗句
于今古調久蒼涼
但瞻北斗思斟酒
不敷西江真乞糧
贈婦雲間還有作
游叩司馬豈無將
莫輕弱管才三寸
穿縞全勝弩力強

題張超然榕亭

超然家有榕菴今即其寓齋扁曰榕亭用識鄉土之

也思

舊時吾友共論心
落落梧桐小院陰
其地為錢此日綠雲生意樹
與碧端合操南音
求赤故居

十畝園，綠蔭垂吳雲，圍樹兩參差，苦憑家夢
論風物，俗熟香甜說荔枝

晚過雲驤，值其登山，予亦繼至，次來韻

住近青山傍，古城造門雙履已先行，但登去
煙霞靜一步，高襟袖清有意，晴湖馴宿鷺，無
情碧樹老啼鶯，夕陽影裏僧歸寺，百八鐘聲斷
續鳴

次答湘南湘源宿雲驤齊見懷

未放閒身五嶽游，空聞夜鶴有藏舟，龍頭第古
編新稅，鴻隙陂荒導積流，時有稅門貧裏夢懷

清似水，老來身計淡，于秋飢驅，不耐言辭拙，鎮

日看雲看小樓

第二行 看小樓

疑有誤

此身疑自誤

元亮子歲儲，休問李衡，妻監巾北嶽，北還北懸
鼓，西山西復西，我欲擔書向何處，此深寧作觸
藩羝

輓陳母葉太孺人

頌圖歷，仰芳儀，能裕孫謀，又母師，千古陳情
李令伯百年守禮，宋恭姬草間螽羽，綿支遠桑

十畝園，綠蔭垂吳雲。閨樹兩參差，苦憑家夢
論風物，俗熬香甜說荔枝。

晚過雲驤，值其登山，予亦繼至，次來韻。

住近青山傍，古城造門雙履已先行。但登去
煙霞靜一步，高襟袖清有意。晴湖馴宿鷺，無
情碧樹老啼鶯。夕陽影裏僧歸寺，百八鐘聲斷
續鳴。

次答湘南湘源宿雲驤齋見懷

未放閒身五嶽游，空聞夜鶴有藏舟。龍頭第古
編新稅，鴻隙陂荒導積流。時有稅門開塘之役貧裏夢懷

清似水，老來身計淡于秋。飢驅不耐言辭拙，鎮
日看雲看小樓。

感示

團團好惡前塵事，欲闡方言物未齊。天意任看
元亮子，歲儲休問李衡妻。盥巾北嶽北還北，懸
鼓西山西復西。我欲擔書向何處，此深寧作觸
藩羝。

輓陳母葉太孺人

頌圖歷，仰芳儀。能裕孫謀，又母師千古陳情。
李令伯百年守禮，宋恭姬草間齋羽，綿支遠桑。

上鳩聲飼子慈太乙分光炤天祿賢明載筆有
餘思

五月四日生辰留客小餽

衰年皮骨困征徭磨竭臨宮歲作妖長與田文
爭一日窮將屈子平來朝暫憑醕酌酬初度只
共漁樵訂久要老病欲眠君且住好拚斜日下
山腰

楊梅二首

二梅曾共入吟詩赤水求珠迴不遺琥珀金松
凝滯髓珊瑚鐵網冒沈絲寢園時薦虛垂淚驛

騎紅塵漫解頤未鳥不愁無味食君家名果正

雜

定甌紅爛紀新詩

見東澗詩

紺色明珠事不遺金彈

逐來隨玉靶赤丸斫去認衣絲注唇櫻顆前犀
齒齧面桃花沁粉頤好比葵心能向日滿籠勻

紫曜明離

過雲驤齋有贈

人境陶廬自不譁爐香杯茗譜南華雨寒白屋
吟詩客風蕩青帘賣酒家城裏半山當卧榻門
前獨樹蔭浮艇我來借得藏書枕睡美那知白

日斜

新安富人自序生平貽訓厥後索人
題詠者代書二十餘首存十首

堂，白日意昌，童稚觀河又老蒼三致千金

吳少伯獨傾百邑漢陽春償逋合券焚家祭

償五千金起塚迎賓會母喪欲遣旁人動歌哭

第九行

尚字疑誤

心笑長貧薑畦橘圃

以質千金餘長物尚

心然處風月蛇蟻總

任真

宅裏風聲崇壹行顏網獨挽寸心丹魯連談笑

輕秦帝商皓鬚眉薄漢官樂志論中多築壑閒

居賦裏足游盤半窗清夢鷗，處蟻棚周蓬仔

細看

生來未及老而傳願謝人間一著先千樹橘洲

新雨露五湖棧路舊雲烟解仇京洛從他縣葬

母淮陽起大阡豪傑神仙并富貴醯雞真笑甕

中天

自喜自悲還自信眼中人物古今分桓寬樹論

日斜

新安富人，有以自序生平，貽訓厥後，索入題詠者，代書二十餘首，存十首。

堂，白日意昌，童稚觀河，又老蒼三致千金。

吳少伯獨傾百邑，漢陽春償逋合券，焚家祭。

代祖

償五千金起塚迎賓會，母喪欲遣旁人動歌哭。

丹青翰墨未渠央。

遷史深將貨殖論，銘山冀海笑長貧。薑畦橘圃
逢佳歲，蕙畝芝田，亦好春。陸賈千金餘，長物尚
平。五岳稱間身，榮觀晏處超然處。風月蛇蟻總

任真

宅裏風聲，崇臺行顏，網獨挽寸心。丹魯連談笑
輕秦帝，商皓鬚眉薄漢官。樂志論中多築鑿，閒
居賦裏足游盤。半窗清夢，處蟻桐周，蘧仔
細看。

生來未及老，而傳願謝人間一著先。千樹橘洲
新雨露，五湖槎路舊雲烟。解仇京洛從他縣，葬
母淮陽起大阡。豪傑神仙并富貴，醯雞真笑甕
中天。

自喜自悲還自信，眼中人物古今分。桓寬樹論

多壽國卜式輸家半助軍厥子猶職仙洞未消醒

舊夢得禱仙姑海山猶憶陣前雲少曾有航海

事笑他寂寞陶彭澤苦引黔婁贊傳文鳥夷慨慷鏘鋒

穉米誰將並太倉各憑身世展排場闔門濟難

孫賓石一國持平王彥方映骨靈光觀舍利隨

觀舍利獨沁心仙夢步長章盤陀石影前因在

第三行

第十九頁

第二行

注少有

疑有誤

注修業而思之

疑有誤一室依然耕可饁芝

月催月非是庸庸才憑君縱浪隨玄化雙鬢仍教歲

月催

千仞黃山類削成固應人物亦英，子孫且聽

勤修業史記陶朱後年衰老邑屋何期脫踐更

任氏豆觴家約意少游車馬墓廬情塵勞勒斷

規游岳爭及西湖烟水清

計然五策霸諸侯用國施家不外求此日即看

纏鶴背當年直擬上龍頭救時蚤裕牢杯莫慰

死先將契齒酬絕倒鴟夷仍逐利終然未省五

湖遊

蚤年心事夢生松羸比都君號素封東海魚鹽

多籌國卜式輸家半助軍厥子猶仙洞未消醒

舊夢得禱仙姑海山猶憶陣前雲少有曾有航海

事笑他寂寞陶彭澤苦引黔婁贊傳文烏夷慨鏘鋒

稊米誰將並太倉各憑身世展排場闔門濟難

孫賓石一國持平王彥方映骨靈光觀舍利隨

觀舍利獨沁心仙夢步震章盤陀石影前因在

來占人間白日長

智叟愚公莫漫猜平生行履數行該若卿會莖

車千兩翁伯居閒酒一杯琴室依然耕可饁芝

庭猶為願斯才憑君縱浪隨玄化雙鬢仍教歲

月催

千仞黃山類削成固應人物亦英，子孫且聽

勤修業史記陶朱後年衰老邑屋何期脫踐更

任氏豆觴家約意少游車馬墓廬情塵勞勒斷

規游岳爭及西湖烟水清

計然五策霸諸侯用國施家不外求此日即看

纏鶴背當年直擬上龍頭救時蚤裕牢杯莫慰

死先將契齒酬絕倒鴟夷仍逐利終然未省五

湖遊

蚤年心事夢生松羸比都君號素封東海魚鹽

卑桀詰南陽車騎重雍容茫洋秋水旋眸望汗
漫冷風舉臂從兩地西湖隔吳越一般桂席蕩
塵胸

六月七日過滄漁樓頭喜南浦自閩中歸
得協能三月十二日書凡四首

過雲來上讀書樓恰有封題報白頭海上未期

仙果熟月中遲發桂枝秋釋余閩嶠烽煙念塵

爾吳天早滂愁為謝雙魚傳尺素洪喬不遣付

沈浮

書去時難來復難山高水闊路漫倚風作答

三春暮當暑開緘九夏殘交語長衢如對面浦南

到甫行速與協能立談而已歸重陳故簡總披

迷其言不知余之非在側也贈行豈有昌黎筆虛作蕭齋疥壁

肝書猶存未歲看書報滄漁用余贈行文裝潢成軸懸之齋中朝夕如覲面余深媿之

相遭相失渾無準奇偶還憑一紙論斜目眼穿

投北路行協能訂北孤燈心死落西村西村其寄

第九行

不煩疑有誤

門王無功在河截取麥光供筆

未疎水陸三千

卑桀詰南陽車騎重雍容茫洋秋水旋眸望汗
漫冷風舉臂從兩地西湖隔吳越一般程席蕩
塵胸

六月七日過滄漁樓頭喜南浦自閩中歸

得協能三月十二日書凡四首

過雲來上讀書樓恰有封題報白頭海上未期

仙果熟月中遲發程枝秋釋余聞嶠烽煙念塵

爾吳天旱滂愁為謝雙魚傳尺素洪喬不遣付

沈浮

書去時難來復難山高水闊路漫漫倚風作答

三春暮當暑開緘九夏殘交語長衢如對面浦南

到甫行速與協能立談而已歸重陳故簡總披

肝協能未歲贈行豈有昌黎筆虛作蕭齋疥壁

看書報滄漁用余贈行文裝黃成軸

相遭相失渾無準奇偶還憑一紙論斜目眼穿

投北路協能訂北孤燈心死落西村西村其寄

梅陸凱初通問蔣藥無功乍到門王無功在河

藥欲見兄弟渡河還家書到日截取麥光供筆

札孟公不煩百封煩

山川勝賞推陶謝述作同遊計未疎水陸三千

傳側理愛憎十九及儲胥時有傳南浦惡耗者豈知下筆

驚鸚鵡旋遣呼童烹鯉魚輕薄紛餘管鮑浮

雲曠日意何如

次滄漁韻題雪漁行棗圖

仙釋與豪傑一往志不徒所趨苟或異即已超

凡夫手承毛遂槃椎劫晉鄙符雄心未凋謝如

意擊唾壺及其久銷落內外乃殊途低眉復努

目殺活牛羊屠瓶方空不方何況人與吾舍空

轉趨有冲澹敞道廬習彼芝朮餌保此金石軀

飄飄駕三鳥浩蕩游五湖逸情既雲上野性殊

風疎藥巴火可嘆冰夷水可居癯當笑山澤亦

豈糠覈腴全家比許椽道氣濃與俱同耽泉石

樂共密詩書娛雙玉堪名珏三荆本同株不假

衣冠異宛爾神仙圖以我負俗累談笑時相於

我慕張留侯狀貌類彼姝高揖赤松子永謝耳

生輿

觀菴詩稿漸子集卷第三

觀菴詩稿漸子集卷第四

虞山陸貽典教先父著

庭桂一株枯矣復榮經三年竟稿詩以弔

之

綠枝枯苑總難明忽與秋風斷送迎銷却子山

空有賦庾信枯樹賦桂倚來吳質漫多情合圍

池柳三眠起百尺堦桐半死生顯志堂前桐柳

存并存向今朝添恨淚長年能免颯然驚

代僧上劉糧憲香齋

山川鉞鉢重歸來天半龍門霽字開雙樹祇園

慚法汰二林白社仰宗雷漢京名氏高曾矩周
翰蕃宣卿尹才槐木音聲動南國緣知直棧散
花臺向今隨和劍村中秋前一夕南樓對月見懷
四序平分潦水收山城暮色迴添幽清光解照
三間屋高興看躋百尺樓今夕探支吟此地明
朝穩取醉中秋天公遣濯冰壺魄何必人間少
十洲

再送燈巖北行

秋裝猶未發及此雪霏白日無今古青山有

是非蕤憑尊宿繫錫傍隱峯飛生地恩常在他
年待爾歸

辛酉冬盡日迎春東郊集韻漢宏齋分得

春字

白頭又值僮童去欣見東風絲仗新金虎宮隣
論往事前壬戌為
天啟元年土牛農野報先春踏殘積雪
成今雨探取枯梅比故人小戶謬推為祭酒不
辭飛觥賀詩神

壬戌元日齋中小集分得元字

花信今朝第一番先參古佛當朝元每愁寒雨

當鳴雷却喜春風也到門竹瘦似分吟思苦梅
清不怪酒人喧雞豚明日還開社擬倒誰家老
瓦杯

二日集智先齋

腹腴杜老逢偏勸諧意陶公豈拙言文學千秋
今縣郭桑麻百里舊江村中吳老屋荒參佐西
蜀園亭長子孫智先者五
川先生後一笑英雄溯讌談空
因契闊感陳思

三日集湘南齋

高會賓嘉王復嘉春盤堂數印平瓜水窮雲起

更何處酒俠詩豪是此家夾岸緒風聞竹葉當
窗白日冷梅花千金檐石渾閑事劉毅從來不
算差

四日集雲驪齋

梅吐微紅草展青惟餘鳥雀啄空庭山當好處
開門見水欲波時歌枕聽但是吟成皆助俊總
饒圖取亦通靈尊前歡笑燈前舞客散蕭然又
下崗

六日過以王齋感賦

崢嶸空指丈人峯潤玉應看氣似虹遠道鱗鴻

車北雪時有二年不通問者新年雞黍洽東風
濯醪鹿餗仍吾輩
白髮蒼顏騰此翁
莫道涓陽情一概
世無世有強難同

人日集文從齋同用人字

歲、今朝開蔣徑
不知醉此幾多巡
瑯玕檻竹宜君子
屈鐵檐梅逼古人
老去形骸渾放浪
窮

來詩卷迴清真吹壘不用懲焦釜

時文從無妄初白乾

鶴頻經報好春

次酬滄漁見懷

病後心空竟此心
廓然無際起閒吟
詩分玄圃

篇、玉賦比天台字、
金魚戲動荷翻細浪
鶯啼選樹接圓音
緣知夏淺書樓上面、
雲峯落影深

送以韜歸新安

去住不得意
衝炎觸路塵
百年將及艾
四海盡知貧
客久家如夢
吟多筆有神
送君慳一醉
能免各沾巾

中秋夜集雲驥齋

連宵微雨蕩輕埃
一鏡欣懸澁澁杯
酌灑平林翻鳥雀
參差複嶺辨樓臺
饒將騷客悲秋思
送

畫詞人詠月才為謝浮雲能解駁不須絃管與
吹開

湘南移居初平小築

負戴相期結隱閑竹窗松戶映花闌却拋雲起
水窮處來就山青石古間騷客秋懷楓未老酒
人情味菊初斑初平自向金華住好逐群羊相
往還

九日同諸君過湘南齋登山望月飲醉留

宿用重陽二韻

末契看誰輩相期得所宗品流詩澹宕情味酒

惺忪夜久蟲聲急秋深花影重百年心自省一
一月明鐘

舉俗愛茲日新翳恰過牆雲心依石定泉脈入
山香懷古吟風遠憑高嘯月長荒雞聽續，已
復向朝陽

贈友移居用陶韻

交君廿餘載鳥枝無定宅論文或同晨銜觴或
共夕南飛猶未已四十復茲役松身偃若几石
面平如席來往豈有期不念宿與昔懷哉索居
嘆古人感離析

但占眉中色已識懷中詩玉川有奇作昌黎乃
效之杜陵逢蘇渙雷出驚滄思把手共一笑灑
灑秋風時馬隊勤講肆在茲復念茲持此慎所
向勿為行路欺

和劍浦秋夜集武伯山居

山居處、幽涉足便成游老檜星壇古新蛩海

縣秋雲封待賢館地接讀書樓其東道院為文
靖公讀書處

痛飲情偏得欣逢夜始悠

題張超然翁岸甫桃源行樂圖次錢湘靈

韻

寓公誰歟張與翁仙源夢落桃花紅倚然冷風
出衣袖巾不蓋頂標神峯絕倒南陽劉子驥二
子胡獨來村中舍舟綠溪曲岸曲側身過罽空
山空雪翎捷舞白鷺月丹頂輕搏玄鶴風龍祖
焚坑不到處青文綠字開香叢白石礪矧足芝
禾藍田萃確非禾稜玉砂瑤草何重、綺皓不
足劉阮同緣知君身有仙骨鍊子不用施人功
玉皇金童侍香案全家隸籍蓬萊宮他年念我
白土埭定有飛書寄史宗

和陶擬古九首

處士七株松先生五株柳即事多所會托物固
已久數編遮眼書二三素心友渴解竹間茶疲
勸花間酒歲月本親人，將歲月負辰良景具
美天心無薄厚及時且行樂春秋皆我有
我年逾下壽婚嫁猶未完踽，行帶索秋風欺
簪冠清晨一引鏡怪此衰醜顏為謝少年輩詩
酒乃相闕招我渌水曲攜我青峯端清音各自
足何必有鳴彈開卷走書蠹揮豪掩扇鸞回首
平生事白鶴語年寒
凜，風霜暮吾意斷在茲市朝忽已變陵谷有

遷時芳蘭氣不改白璧詎受淄雖有君平小行
藏迴不疑悠，世上兒與爾長相辭今人則已
笑古人實我思不殫人欺我所患人自欺蕩，
大海中南車指所之司南定何許請讀詩與書
將過授衣節時有煽陽和間有新詩篇臨風一
浩歌自知非白雪能令和者多為訪榮，菊遂
得借春華莊生若齊物不齊竟如何
風雪湧悲嘯山川入卧游置身千仞岡一眴小
九州魯陽倩揮戈精衛遣湮流憤博梯華嶽收
碁及帝立鴈詠接懷葛薇粟介商周我意常觀

豁焉用逸幽求

士志有定在指始要其終班馬篤詞賦韓彭矢
戈戎所向雖取異時勢各爭雄迢遙隔人代猶
足襲餘風謂語天下士且置通與窮確然礪所
操卓犖天化中

浮雲西北際朝日東南隅但覺天地促不見日
月舒荆榛蔓荒砌風雨隘積廬棄捐洛陽畝割
荆參軍居困魚復窮鳥天海將焉如
日落上山城四顧雲色荒落葉更飄蕭風驅沒
斧堂青燐起白骨長眠夜茫茫舉仙華子喧

喧歌舞瑤紅燭照東第白楊生北邙存歿不相
領意氣多激昂我欲窮道要內外辨游方雖抱
達者慕惻還自傷

丹砂匪難覓紫芝庸可採未聞服食要但見歲
月改奄忽塵世間一漚滅大海富貴與仙人
壽等難待庶幾學易者无吝亦无悔

和陶飲酒詩二十首

六合非不廣出門無所之且免窮途慟亦異岐
路時永言窺樾蔭息彭豈去茲暗蟲不自照讀
書多所疑謬思得一道殘簡聊自持

深亦不在水高亦不在山
劉然解厥會所得若
子言禮耕義以種力學多豐年千秋賢與聖異
世薪火傳

屈子醒然者千載得其情有酒雖不飲豈顧身
後名陶公樂陶，願酒足一生得酒終日醉高
名百世驚當知身不立醉醒兩無成
波平逝猶疾雲閒自亦飛况彼狂馳子能毋令
人悲孽，名與利中道失所依坐見驚流竭空
雲滅無歸貧賤不加損富貴時獨哀匪石不可
轉吾意詎可違

門辭長者輟鳥雀亦無喧清曉把書坐不覺白
日偏豁達窗戶裏爽氣來西山長煙任卷舒高
雲通往還昆邪常杜口孔子欲無言

悠、泉有口是、非所是有譽必有試况乃求
全毀數斷俗中事吾黨逝爾、且從飲美酒何
用服紈綺

食蟹誤八足餐菊辨始英讀書不熟讀何以得
物情窮經良非易白首時運傾乍厯秋蟲響又
接春鳥鳴欣然一炳燭開卷見平生

許洞一竿竹刺眼青、姿清風吹葉、白月寫

枝，長影落平地，拔出胸中奇，猗，渭川上千
畝，夫何為，何如獨立士，不受塵網羈
日，造朋舊壺觴，為我開，何必值佳辰，然後入
奇懷，况茲值重九，吟醉不相乖，看君足幽興，誠
合買山樓，高竹多倚石，新花不染泥，清音自給
耳，宛與宮商諧，今是昨，亦是涉途來，曾迷慨焉
念歲暮，星紀又將迴
一笑作蠻語，參軍道，媿隔四至卿，曹者猶當屬
半塗矯，谷中士不馳，亦不驅，三冬問足用，賴
此萬卷餘，不裁獨遊頌，還欲賦幽居

神龍擁層雲，名驥策遠道，豈無半九十，中摧不
及老，東陽槐不生，龍門桐欲槁，灼，園中花一
朝顏色好，罔象有玄珠，榮名豈足寶，雖有丁令
威，何時歸華表

西華不自振，任昉已死時，勝華悲辛處，張祐空
文辭，干戈阻伯禽，在遠念致茲，男兒驥子好學
語，憐不疑，厥父有生死，人情多慊歎，為問兒子
輩，向背欲何之
厯物無給情，履事無執境，當饗不求饑，卜飲非
謀醒，隨君好身手，要當保首領，伊隨鈍如椎，又

誰脫若穎勿逐日月光而為燭火炳
過雲下秋山閶闔如可至恍惚叩天關沈火
帝醉虎豹何巖，重，著行次一折陶公翼撫
已奪所貴去來歸去來斯言良有味
西蜀楊雲亭南楚宋玉宅憑覽周九區何處無
道跡破屋纔數間居此歲盈百朝來荒草際又
見新霜白忽然感天運棄置復奚惜

生年未及壯桑海已屢經何如歷多劫天眼見
壞成毘嵐碎須彌水天亦滄更且從坐蒲團柏
子參前庭把定月兔走不放天雞鳴廓然器界

內有情非有情
揮手時一招忽然動長風送目四海外層雲蕩
胸中呼吸憑一心帝座諒可通蒼，固有道未
必曲如弓

開，復開，得，復得，憂思渺然至從明不
從惑茫，身世間千端不能塞將心出霄漢生
地落水國當非為壁觀終朝常默，
平生高懶癖未解干祿任蠹卷如春蠶吐絲自
縛已障面過朱戶掃門實深恥有酒取薄醉時
一歌下里頓年羅早滂衣食無所紀世乏陽道

州終歲寡寧止先疇在草間悲哉獨何恃
今古求至化所任在一真、偽有悠辨、之在
澆淳江河雖日下可使化蜚新三閭賦哀郢賈
生論過秦昆明劫火出何代無驚塵亂七始荒
暴初造由儉勤興王得名世劍合延平津一笑
隨驢背想像歌冠巾策許值盛世安為隴畝民
壬戌長至與諸君齋中飲既登山抵西城
晚眺夜集雲驪齋分得山字餘代作
短晷逢長至留宿更陟山鷄豚隨處有雲物盡
情閒轉數百年裏銜觴一日間歲華差不負渾

忘鬢毛斑

節物成嘉會閒披細路行草荒齊女墓日落讓
王城醉後還重醉晴餘轉復晴不過來近局已
見古人情

陽氣回緹室良朋與晤言珪璋內史族環珥北
平孫烏嶼雲侵履江湖水到門樞醪宜兩地靜
寄啓東軒
葭灰看已動競喜日初長笑口兼談口詩腸復
酒腸登山千仞快留客百年狂不獨書雲物星
河亦吐芒

別樓六十韻

馬齒六十五鷓棲四九年三間寬處解百尺儼
居僊山色朝披翠蟾光夜向圓雲開齊女墓雪
菴仲雍阡蹲虎看斑石驚龍枝瀑泉相輪楮白
日粉堆偏青天綠借四隣樹紅吹萬戶煙禪菴
鐘續官今鼓蕭，笛想江南柳歌聞相府蓮
鳴禱來迴野柔櫓隔前川叢竹遙窺映飛花近
接聯酒醒絲雨度吟罷緒風牽春草幽居賦秋
燈懷友篇眼明當捲幔心愜會開編敢擬陶弘
景非闕王仲宣室從歌與哭亭屬白兼玄梁燕

成賓主庭烏狎去還筭冠長兒女拌案老麋餽
無復論三徙寧勞歎五遷吾廬真可愛天運迴
堪憐舉火愁如厲瞻喬切象賢先芬宜遠襲農
畝竟輕捐縱克耕書圃何從賦石田誅求豈敢
訴磽瘠果誰蠲風雨催租吏癩瘡照水鞭東西
陸屋舊南北阮家偏窺莒終何似如防即有馬
刻時朱檄急割券墨痕鮮畫界區分寸規基就
幅員右通及左達後貫復前穿僮約書俱瑣香
方和必全一鉢操去就半鉢夾嫌妍評詠因時
起猜疑到底堅曾聞尺布暖怪道釜萁煎濟叔

癡如故符駒騁度前壑溝愁轉輟廊廡與周旋
縮繭蠶方跼七巢鳥乍踰數間杜甫宅四壁長
卿屢頭合將茅蓋門唯用席懸避通臺莫藥宿
停價折市義窟虛傳詎畫門堂像誰捐老婦錢
閱為嗟錢糲糲還一笑繫釜舊相延興作嗟何遽驅馳莽
欲先揮斤呈捷手荷畚集駢肩邪許撓言笑衝
塘攬誦絃兒童添意氣婢僕怒喧闐踪跡交填
塞神明奪靜便昏、如下第側、似離筵下上
胸懸碓拘持足受鏃寓公泥印爪傳舍竹為椽
收畫防蝸蝕裝書恐雷滌瓦盆仍好在土室且

逃海欲共兒童語毋為老子愆從他癡了事譬
我死臨顛物意驚隨甌身圖慎折筭西華那廢
學承吉不爭權見顏騰句操魚蠹殘骸付蟻鳶
分明海收市奚啻矢辭弦去就雞窠宿行依鷺
籠眠今朝真別矣更上已無緣

閨桃

樓前一株桃弱女昔手種今年女既嫁樓亦充
王首春花暎、紅秋實垂、重摘取饋親串時
或雜殮饗枝葉長過牆蟲螿撲隣甕已怪穢滿
器兼嗔走衣縫一自折券來斬伐不可縱束手

莫救汝瘠心付一慟

感橙

遺核圻牆陰初生感橙橘愧我非老圃枝葉不
能識但知是嘉樹移向樓前植復此二紀餘稍
稍試花實如豆輒委地厥種類深匿今歲綻數
顆蜚齒香沁溢割地換新主一朝托異域惜哉
培養心空待他家食

移石

崎嶇復歷落英多自成輩支或出江湖根疑長
泰岱世間有此物天機秉所愛布列嘉樹陰披
拂芳草翠壺觴既就陳筆硯亦錯委坐得指小
疲倚可扶薄醉參共寒山語式與高人對一從
割半居筐篚未攜戴趣命興衆工除穢剪荒穢
經營闢捷手揮斤并擔簣一朝藟藥闌轟磔尖
故位即非袖中竒實乃胃中塊未許合時安
能消一粟借此泥塗辱牽稅力相貸石轉心不
轉仰天發長慨

移書

讀書不厭多貴擁千萬卷一經用遺後保世亦
頗鮮我實具此癖但憾蕙根淺借送有常期補

治敢不勉抄寫覺日促勤儺嫌夜短中歲坐苦
貧入市又充典插架存手筆不令闕披展何如
蕭閒堂棄粗寶精選比若通靈畫破壁直如洗
頗怪里中兒強解別款識腔亦喜善售狼籍遂
無算令我少及老心力虛搜獮新來烏糝菓故
迹遠欲剗檢點餘百編移來置篋眼未知從此
去許我遮老眼

贈行
新正三日又從將游粵東招予話別口占

五千烟水動長征借去椒觴贈遠行殘雪滿林

巖子瀨落花樓草趙佗城胡沐雅興兼從幕
府嘉賓畫友生緣識白雲彌望處蚤辭瘴土促
歸程

相逢不惜笑言賒但別思君未有涯拂馬程
添柳色牽舟步入梅花千秋事業看楊撲再
世風流屬阮家分付兒童頻掃徑客來炊黍莫
嗟呀

人日張廷宣招飲懷尊甫鶴客

衝泥皓首不須扶峭壁寒松撫畫圖坐客區年
兼醒醉窻梅畫地有榮枯人應後鴈歸何日時

合題詩寄老夫却喜父風真不替紀群再世得
吾徒

立春後一日集雲驥齋分得雲字

朝看淑氣已氤氳盡日天心覺轉紛晴灑陰林
無定雪風掀南嶺不歸老巔景物何曾裂壯
齒才華莽欲分猶及新年少人事好憑飛箴泥
同群

同玉裁飲智先齋

白髮青鬕意頗闌詩腸酒所動成頑主人未判
醉醒裏座客還參生熟間栗里雞豚風俗古杜

陵粒粒歲時閒尊前檢點多離索胡不相從一

破顏

附入情花態流連得
可意山光領畧知

元夕玉裁出酒餞文從粵行

第一回看鏡上天却憑三五作離筵燭花比月
圓偏穩是夕無月火樹當春艷較先滿眼青山輕遠
道多情黑髮駐流年緣知庾嶺前頭過花繞枝
橫疊素牋

在茲以寧同集德隣齋

五十雲藍落眼明先有側
俚之贈腹腴兼愧軟吹杭輕
風夜淺凝紅燭紅雨春迴動綠觥一代氏名占

食德百年心跡見陳情歸來重省鄉閭舊卧聽
隣雞報五更

玉裁移居見別悽然欲絕情見乎詞

長貧堪恤老堪憐相別相依只黯然有像雲煙
工變幻無情爐冶苦烹煎洛陽自郭傾先畝宛
委藏書失舊編老屋侵尋拋棄盡雜菓去烏幾
時還

送湘南赴吳陵戎幕

書生武庫漫羅胸玉帳牙旗意折衝晴海雲高
飛鶴鶴春江漲暖伏魚龍百壺酒盡催裁檄千

字詩成約定從士馬歡騰宣鼓吹早驚七尺壯
軍容

次以寧韻寄德隣

歡顏爭羨萬間寬危語真愁觸劍端悶癢筋骸
還雨鬧寂寥情緒更春闌鈍才豈必囊錐落獨
態何妨刺字漫最是腕中新著鬼怕書詩句真
人看新患指病
不良于書

和王宥日荻溪茶會詩

雲霞矯首海天來壚鉞欣當竹徑開調水符移
來古寺生雲羽翼上高臺謝公緩為蒼生出道

叟非闕白鶴迴聞道金人還捧劍獨將七椀壓
流杯

和陳在茲癸亥落花詩八首

遺子餘民小劫花相遭脈，感芳華青陽鸞路
垂裳在白水柴門步屨差枝上君臣猶杜宇人
間青紫總蝦蟆

南史下
彬賦

低飛解有依根意蕩子

如何不憶家

中林無復一枝梅花驪春闌兩軌催斷少神工
能數雨禁多怪事不驚雷手風量藥醫才去眼
翳徵書客又來會取佛陀拈笑處本來無落亦

無開

暮齒衰花各有宜分明人物與相期無端昔雨
連今雨并得千枝作一枝事到催殘成隙易身
安長養報恩遲尋常護得還難護世上初無一
定基

同昏未抵日荒，生白才餘一室光落窠梨雲
迷舊夢啾嘈梅月奪新粧

用趙師
雄事

情多浪喜依

芳草心死難飛遠畫梁正屬好時偏雨妒仍聞
不殺有凝霜

騰許垂楊占碧流牙檣玉勒不成遊一春禪榻

宜花雨萬戶農疇急麥秋又育何從推兔腹相
看即恐戴魚頭未諳漁父無仙骨誤引來時不
少留

斷飲昏。雜醉醒懶回白首看青萍山稜不助
吟情健水氣渾臺戰血腥書裏生鱗封蠟螭釣
絲紫片颺蜻蜒錦帆若覓雷塘路腐草今年足
放螢

卓午熹微似夕曛更無飛絮舞紛紛杜陵客思
年。雨洛浦神光夜。雲臺上鳳凰音玉愛樓
中燕子背蘭芬春明索莫如秋淡誰謂平將四

序分

裳衣古法騰漁蓑花落人頭漲綠波春事不隨
千仞盡林神却送一期過未須折角虛裁惜不
為觀棋也爛柯最是無聲還貫耳銅駝故里聽
來多鄧孝威有銅駝故里落花聲之句東澗激賞之
玉裁卜居不就割舍旁兩三廛居之次前

韻以示

中懷作惡倩誰憐况買芳隣非偶然顧我未須
嗟隻立淵明命子詩負影隻立與君差可話憂煎蝸廬重
剪江茅覆虎落新栽嶺竹編且共欣。數晨夕

的勝雲鶴暫來還 陶詩雲鶴有奇
盟八表須臾還

癸卯初秋鶴客自新安西園自燕京南屋

自粵東先後抵家釀飲道闊即事有作

新來景物入清嘉最憶朋簪笑語賒西雨東雲

牽夢草南臯北阜負看花關河觸熱多行路海

縣迎秋並到家不分離別經久暫尊前心惜玉

山斜

次答滄漁早秋見懷

欲辨真游內外方應知守黑亦生光疎星殘月

兼穿屋破卷殘圖不滿沐千日難謀醒裏醉百

年慵放老來狂雖非宋玉多才思悲動人間先

折腸

錢大理藕花居落成池中適開並頭蓮賦

事給圖紀事屬和因次原韻

一本雙花照水偏半成輕醉半嫣然鈿居秦觀

迎風艷玉殿茗華受露妍庾杲著行吟對語六

即聯影暗相憐遊魚未抵尋常戲費盡才人藻

麗篇

並蒂端相倍可人雙莖更喜入圖新翔鸞舊閣

香交和浴鳳清池影互親芝長空山先去漢桃

開神界本逃秦羊家漫有吟荷作爭許奇葩吐
碧澹

癸亥春畫書恨二首

一朝生事付平沈老祥相看淚滿襟命子貴兒
彭澤酒破家亡國雍門琴驚殘秋晚三更夢折
畫平生一寸心解有青山堪葬骨未應緩死到
如今

了將官事也癡呆浪笑卿言亦自佳老屋即看
成瓦礫單身不任翳形骸李衡莫問田園事張
祐虛垂風月懷妻子前塵原假合如何生世兩

雜諧

代壽高太公六十

灤河截出孤竹岡帶礪作鎮山海長，安日近
依紅光歡喜嶺橫瞰城隍寫生偉人秀文章穿
天心出月脇旁翹，金箭森琳瑯儀世游麟舞
鳳凰覽輝九仞謝楚狂大野何曾屬鉏耰桂枝
裏，秋風香杏園菲，春日芳燕臺千金汗血
良綿，獨角真骨強曠懷高標出尋常措之施
設多勛勦國僑鑄鼎刑書詳鄴侯律比垂煌，
世有輕重隨弛張讞決一字嚴風霜駁歷行省

中書堂八閩首賦通舟航湧泉劉晏禪時康一
笑不雨訶弘羊蕃宣申甫嶽以降蔽帝猶留召
伯堂世家舊履聞趨跼北門鎖鑰完封疆尚書
喉舌司皇綱繼以堯庫供輸將姬公魯公靖周
邦蒼俯梓仰國有慶蓀何愁兮且發祥美子劍
起雙龍翔九峻山高月蒼，美錦裁製學不荒
我侯蒞止克柔剛虞峯增峻湖洋，書名御屏
卓魯行歸美傳家治有方明年甲子逢陶唐稀
齡摺紙工騰驤金陵地肺日戴易堂開王軸排
金相萊衣弄雛東西望，雲矯首擊霞觴若不
見揚州牛斗接寒芒南極老人壽命昌又不見
麻姑下降迎新涼蔡經擘取麟脯嘗且收鶴彩
湖中央壽以吳故乃所當白門啼鳥柳間藏朝
來喜氣雙眉黃日向良常倒油囊山生白李海
生桑

癸亥歲暮遵王攜示也是園斷句三十首
率爾次和

道是詩人又酒人茅堂背郭有新隣幽棲莫信
非高足選勝居然據要津
親人惟覺有禽魚最好花稠與竹疎
斐几明窗

眼如月百年天許老觀書
日上三竿睡起遲試嘗天酒過朝炊無心詩句
清閒夢一局分明自在棋
暫離城市不知還清泚何如消夏灣重翠斂紅
回首處此身已在水雲間
知有經時會面稀廿年回首憶含暉今感化鶴
無消息城郭青、徑草微
曲、朱闌界畫廊花時面、逆風香道人自倚
庭多樹浪笑狂枝出粉牆
青天蜀道果誰難輸與荆門畫亦關莫問陸家

參佐解白頭仍未保三間
錦樹雲初出漢東憑將好句問思公便應徧寫
詩屏上一度吟看惜障風
金人會捧水心來華館紅筵此日開二十五年
春燕罷清溪一曲想流杯
世上爭傳汗簡青鴻高鳳香去冥、不知交燭
隄麋外還賸元家野史亭
莫愁家住近長干花艷春穠興未殘不及小紅
輕竹葉鶴車仙珮影姍、時遵王新納姬人
賢愚生死幾經過我為兒曹涕淚多會向蓬頭

有慙色清風榮祿兩如何元倡有蓬頭兒子之句因爲解之

仙李晶明仙杏紅詩殘酒釐關春融閒來重把

名園記依約風光似雒中

露葵折取稱清齋不賣癡歎不打乖我亦悠

山水客過雲相約辨青鞵

菱花塵掩半衾寒腸斷青鸞舞影單雲母食來

知幾許好將服食問劉安

望湖山西復西朝霞橫抹暮雲低蓋頭我欲

尋茅把扁取精藍換舊題

魚戲蓮間蕩水痕半溪清漲半溪渾柴門不正

江村路偏識若家白版門

劫灰不盡是韶華有手須扳滿徑花野老造門

成一笑大家江上看餘霞

一鈎初月一絲風人立修篁坐古銅淡墨疎行

閒點筆吟聲不雜櫓聲中園有櫓聲閣

青易白髮四時秋吾土仍登異國樓薄技有誰

誇好手善刀能解數千牛

我有雙眉掃不開閒門如水雀空來一從郭隗

離燕後誰倒黃金買駿臺

古學于今髮一絲盲人瞎馬怪臨池可憐季緒

無才思倚撫尋常枉費詞

堂啟三楹得快然遠看側嶺近前川殘陽荒影

詩中見漫把觀河證往年潘生居此定遠有一條荒影殘陽之句

黑髮論文已白頭可知天地一浮舟年來不問

行藏事遠目須窮怕倚樓

敲石吹燈取火新金經起誦自侵晨午炊却笑

存空奠還要平判送米人

年去年來川閱川雲霞海上色常鮮春蘭秋菊

無終古自近幽人別樣妍

鷗眠鷺宿一雙，絡角星河挂綺窗漁唱不知

歌玉樹至今花月護春江

文章知己亦深恩永夕陶，憶見存祖謝何緣

與元亮依，煙火共南村

中山名酒玉泉茶宜釋宜仙遺老家猶有閒緣

多觸撥深宮落葉抱香花

衝寒問訊喜相遭又見春陽上布袍十首卷楊

消白日旁人莫指是離騷

張君六十

碧桃紅杏正盈眸屋角山光照勸酬混沌圖中

推睡醒道遙篇裏說春秋人情匣劍驚談虎世

路斲刀善解牛省識穀城黄石在他年好續赤
松遊

次和友人幽居韻

子孫長此幾經年明月清風不費錢少賦種蓮
供上錯溪流驟林抵香錢乞糴僧過千家鉢罷
釣漁歸一葉船若是南村許容跡不須重理卜
居篇

次張以純移居韻

品流與世索蕭疎不用高陽問草廬負戴全家
堪入畫經營隻手廢抄書三年竹始連雲暗一

日梅重帶月鋤買宅買隣多故事席門窮巷意
何如

詩史篇中見數間日長鳴鳥近花關張顛舊識
南沙路弘景何知烏目山不隔素心常款，自
依同氣共開，吾衰末契真堪托飽飯殘年任
往還

次扇頭韻寄贈吳陵張石樓

人間重喜得詩豪流品醇如近飲醪深淺有痕
江月白卷舒無跡海雲高傳君雅作千回賞添
我秋懷一倍勞寄語能來長者轍不辭荒徑剪

蓬蒿

書扇示二饒

采、秋蘭雜佩紉莫知空歎國無人一年以長
從我老九食恒飢共汝貧掌上雨雲看末俗眼
中叢馬記前塵剎那又屬觀河後父老東城墮
此身

荆璆化蜮石能言滿眼蟲沙鶴與猿半去半存
矍相圃一生一死翟公門桑滄未要論身世蓬
厯那須問子孫千古倒行愁日暮擬將何策副
朝暾

墨冶上人留宿雨華林有詩見示次韻酬之

一蟬鳴處亂蛩吟畫格詞源試討尋破睡茶烟
花外白停氛香氣雨中深放教忍草侵雙徑儘
著寒松接二林遊宿招提舊多興蕭疎因見古
人心

癸亥歲暮為鶴客五十覽揆因其在新安
未及贈之以言頗有歸耗為次其自述四
十韻以贈

人生重交道離合洵有由齒貌悅相若末契感

運道或贈延陵劍或汎剡溪舟樂友取絃直弗
友資常柔一空自歎，四海良悠，落地無遠
近傾蓋還白頭文章欣考會談讌羅庶羞意氣
互務許勢利薄庸流依隱結肥遁彈冠樹嘉猷
管鮑餘古道蕭朱終鏤偷唯予與張子同產南
東取相去直千里蘭言式相投以彼天都客來
為石城留握手肺肝出一笑釋千憂數行梁父
吟一卷畔牢愁山川并花月既醉輒已休胡然
遭隴甌率爾逢操矛朝夕盈虛市今昨東西溝
苦捐聯頃齒憐走千蹄牛監河窘鮒輟吮雨窄

龍湫顏色訝枯槁牖戶慳綢繆嵎虎正咆哮庭
雀常啁啾市義不可再速訟固有儔硯北禁索
冥門東切呼嗷因之撫長駕辭家換遠遊襍被
何蕭條去住無良謀栖，將焉托落，非有求
不入五都肆違計上揚州家室睠東吳還鄉轉
萍浮遙應白嶽頂四顧天宇周攜來古錦囊奇
景毫端收瀕歸十日飲何妨喧石无借問平原
座曾有此容否行，亦已久因人及清秋裳衣
欲淒凜鬢髮先颼颼冬雷蟄蟲噉春雷奪蛟蚪
何時促歸衰令我迴雙眸佇看萊衣舞補獻南

山鷗為我出此篇當筵一長謳有詩且有酒真
覺快封侯

湘雨師約于杪冬遣舟相迎病中伏枕先
有此寄

秋來未擬泛湖天更約冬殘度法船但對烟霞
皆說偈不離山水即安禪鐘魚宵處三千界瓶
鉢疎來二十年自笑雞窠餘此老病懷瑟縮負
陽眠

觀菴詩稿漸于集卷第四終



